

## ክበር ዐዘ

ዲብ ኤረትሮፕ ለመርከብም ሱፊራኦ ወዲፕሎማሲያን፣ እብ ወፋት ምሔርባይት አሰይደ አዳነሽ በር፤ እግል ሐይሰ ርኢስ አሰይሰ አፍወርቂ ወወኢላቱ “ኤማን ወሰብር ለሀብኩም” ቤለው።



ለአንፋር ዲፕሎማሲ መጅተማዕ እሲ ለቤለው፣ እት አነን ሐዘን መሰከን ዐኢላት ሐቆለ መጸው፣ቴ።

እት የም 22 ጁን ዲብ 97 ሰነት ዕምራ ለትወፊት ምሔርባይት አዳነሽ በር፤ ዐደት ቀብረ እት የም 24 ጁን ዲብ መቅበረት ጸሎት ተ፣መት።

## ከረን፣ ጀራይም እስትዕማር ለሸርሕ ዕፌ ሰወር ትቀደመ

እት መዲነት ከረን፣ ጀራይም አንዝመት እስትዕማር አቶብዩ እት ረኢስ ሸብ ኤረትሮፕ እብ አር እንክር፣ ዐወል ሕርየት አክል አዩ ቃሊ ክምቴ ህዩ እብ ብዕድ እንክር ለሸርሕ ዕፌ ሰወር፣ እት የም 27

1960ታት ወ1970ታት እት ከርሰ መዲነት ከረን ናይለ ጀራይም እት ገብኦ፣ ለዕፌ እት ጀራይም ለጀረ እት አነን ምን ትቀደመ ልእኩት ዐባይ ክም ለሓልፍ ትሸረሐ። ቃእድ ፖሊስ አቅሊም ዐንሰበ

ዐቢ ክምቡ ሸርሐ። ምን ጀራይም ለነጀው እት እግለ ሀበው ሐብሬ፣ አባይ- ንዳል ሸብ ኤረትሮፕ እግል ልትዐንቀፍ ጀራይም ድቁብ ክም አጅረ፣ ምናተ፣ እሊ ህዩ እግል ሸብ ዝያድ ወሕደቱ ክም ለአተርድ ክም ወደዩ ሸርሐው።

ሸባብ እብ እንክርም፣ ለዕፌ፣ እግለ እብ ታሪክ ሌጠ አሙሩ ለዐለው ጀራይም አባይ እብ ሰወር ምን ቀርቡ፣ እብ ቀሊሉ እግል ልፍሀሙ ክም ሰደዮም እት ሸረሐ፣ እግል ሸባብ ዝያድ መስኦልየት ክም ለአረፍዕ አፍሀመው።

ለዕፌ ሰወር፣ ቀደም እሊ እብ መናሰበት 20 ጁን እት መዲነት አሰመራ ቅዱም ክም ዐለ ለልትዘር ቴ።

ሙስተዕምረት አቶብዩ ሸብ ኤረትሮፕ እግል ለአፍርሆ፣ ምን ሰነት 1964 አሰክ 1976 እት ለትፈናተ ሕሩባት ናይለ አሰተሸሀደው ሙናድሊን ገናይዘ እት ከርሰ መዲነት ሰቁሉ ክም ዐለው ለልትፈአቅድ ቴ።



ወ28 ጁን እግል ሸብ ትቀደመ። ብዙሕ ምን ምን ወሳእቅ አባይ ለትረከብ ወእብ መናሰበት 20 ጁን- አምዕል ሹሀይ ኤረትሮፕ እብ ፖሊስ ኤረትሮፕ ለቀርብ ሰወር፣ እት

ኮሎኔል ልብሱ ተሰፋሚካኤል እት አሰመዐዩ ከሊመት፣ ለዕፌ እግል ገሌ እብ ቅዋት ሙስተዕምረት እት ሸዕብን ለጀረ ጀራይም ምን ገኦ፣ እት ዐደዮት ታሪክ እት ግም ሐዲስ ዶር

## ባንክት ኤረትሮፕ፣ ቃኑንያይ መትፋቀዲ አፍገረት

ባንክት ኤረትሮፕ፣ ምን ባንክት በረ እት እዲ አፍራድ ወመአሰሳት እብ ክሰሰሉ ትትረከብ ቅያሰ ለአለብ ዐምለት ነቅፋ፣ ቃኑንያይ መትፋቀዲ አፍገረት።

ክል መዋዋን ልግበእ ወመአሰሰት፣ ወጠንያይት ዐምለት ነቅፋ ናይ መትፋቀዲ ሐቅ ሌጠ ክምቡ ለልትአመር ቴ። ሐቅ ሌጠ እንዲ ኢጉበኦ፣ ዋጅብ አትመዋት፣መ ላዘም ቴ።

ወጠንያይት ዐምለት፣ ምን ባንክት በረ እት እዲ አፍራድ ወመአሰሳት፣ ቅያሰ ለአለብ ወእግል ሊተሐደደ ወቅት እግል ልጽበጠ ቃኑንያይ ኢጉን።

እብ አሳሰ እሊ፣ ምን ባንክት በረ ጽብዋት ለሀሌት ዐምለት ነቅፋ አሰክ 31 ጁላይ 2026 እት ሀለ ወቅት እት ባንክት እት ልትረከብ ሕሳብም እግል ለአትው፣ ሕሳብ ለአለብም ህዩ፣ ሕሳብ እንዲ ከሰተው እቴ እግል ለአትው ተሐብር።

እለ ለትሰረተ ላኪን፣ ቃኑንያይ ምስዳር እግል ትትጎሰእ ክምቴ ተአትአምር። ባንክት ኤረትሮፕ

## ክበር እስትሸሃድ

ነፈር ቅሰም ኢሚግሬሽን ወጅንሰየት- ገዲመት ሙናድላት ሚጀር አልማዝ ሀይሌ እት የም 2 ጁን እት 70 ዕምረ እት መዲነት ለንደን ብርግንያ እብ ሕማም አሰተሸሀደት።



እት ወርሕ ጁላይ 1975 እት ቅዋት ተሕሪር ኤረትሮፕ ለተሐበረት ገዲመት ሙናድላት አልማዝ፣ እት መደት ንዳል ተሕሪር እት መክተብ ማርሒት-ፋሕ፣ መክተብ ስያሰት ወቅሰም አትፋዘየት ስያሰት ወሕፍዘት ምስጢር ወሳእቅ ተንዝም፣ ኦርኒክ ሙናድሊን ወሰጅል ሹሀይ፣ ሐቅ ሕርየት ህዩ እት ወዛረት እዕላም ወቅሰም ኢሚግሬሽን ወጅንሰየት እት መጃል ተውሲቅ፣ ስቡል ወመሰል ሰኒ ላቱ ዶር ለአግዲት መሔርባይት ቴ።

ዓደት ቀብራ ህዩ፣ እት የም 25 ጁን አልዐሰር እት መቃብር መሔርባይት አሰመራ ተመት።

ቅሰም ኢሚግሬሽን ወጅንሰየት፣ እብ እስትሸሃድ ገዲመት ሙናድላት አልማዝ ሀይሌ ለትሰመዐዩ ሐዘን እት ሸርሐ፣ እግል ዐኢላ ተ፣ መሊህያም ንዳል ወመሻቂት ኤማን ወሰብር ለሀብኩም ልብል።\*

## መድረሰት ፈንዩት መሐግር፣ 143 ደረሳይ አድሐረት

መድረሰት ፈንዩት መሐግር፣ እግል መደት ክልኡ-ሰነት እብ ፍዕል ወዝዘር ለአድረሰቶም 55 አንሳት ለብኡቶም 143 ደረሳይ፣ የም 27 ጁን እብ ሰርቴፊኬት አድሐረት።



ምዲርለ መድረሰት እስታዝ ተሰፋዝጊ አብርሀ ዲብለ አሰመዐዩ ከሊመት፣ ደረሰ - 24 አውቶሚካኒክ፣ 23 ብናእ፣ 25 ኤሌክትሪሲቴ፣ 23 ኤሌክትሮኒክስ፣ 24 ድራውሊኮ፣ 24 ህዩ ጸራብ ሐኢን ክም ደርሰው ሸርሐ።

ሀለዮት ዋወር ኬድማይ ነሐር ሚንኦድም፣ ዲብ ዐቦት እቅትሳድ ናይ ሐቱ ደውለት ምህም ዶር ክምቡ ለሸርሐ፣ ዲብ ወዛረት ተዕሊም መስኦል መቃብር ወአከደት ብቅዲ ምህር አሰይድ መዓሾ ገብረትንሳኤ እብ ጀሀቱ፣ ደረሰ ራክባሙ ለሀለው አምር ሙብዳእ ክምቴ እንዲ ፈሀመው፣ ናይ ምህንት መቅደረቶም እብ ትሉሉይ ጅሀድ ዲብ ጠወሩ።

እት በራምጅ ዐማር እብ መትሰባል ዶርም እግል ለአግዱ አትፋቀደ።

ዲብ ደንጎቤ ንቃዋ-ውቁል ለአምጽአው መትድሕረት ምን ርኢሰት መሕበር አዋልድ አንሳት አሰይደ ተኸእ ተሰፋሚካኤል ወብዕዳም መስኦሊን ጁኢዘት ትከበተው።

እት ሰነት 1997 ወራታተ ለአምበተት መድረሰት ፈንዩት መሐግር፣ ዲብ 25 ደውረት እብ ዓመት 5,321 ደረሳይ እብ ለትፈናተ መጃል ምህንት ክም አድሐረት ወሳይቀ ለአሸር፣ ሐን ዕዛል ወዛረት ተዕሊም መራዐየት ለትጉበኦ እግልን፣ 5 መድረሰት ቴክኒክ፣ ሐቱ መድረሰት ሐርሴ፣ ሐቱ ህዩ መድረሰት ሙሲቀት፣ የም ዓመት እብ ዓመት 295 አንሳት ለብኡቶም 730 ደረሳይ እግል ለአድሕረ ክምቴ ለትረከበት ሐብሬ አፍሀመት።

# ኢጣልያ: መሀረጃን ኤረትሮጵን እብ ነያረት ተ'መ

“ሰባትን ደማትን” እብ ትብል ሰቅራት ለትንዘመ ናይ ሐል መሀረጃን ኤረትሮጵን ሰካን ኢጣልያ፡ እት ዮም 27 ወ28 ጁን እት መዳነት ሚላኖ እብ ነያረት ትሰርገሉ።

እተ ትሰርገሉ መሀረጃን፡ ወራታት ፈን፡ ዕፌ ለቡብስ ቀውምያት፡ በራምጅ ኢጅኒት፡ ሓድር ተዋልል ዐድኅ እብ መጅብ ተጠወራት መንጠቀት ወግለም ለወድሕ ሰሚናር፡ ክምሰልሁመ ዕፌ ሰወር ለሸምል ዐለ።

ሰፊር ደውለት ኤረትሮጵን እት ኢጣልያ አሰይድ ፍሱሓጽዮን ጴዮርሴ፡ ሓድር ተዋልል ወጠን፡ ክምሰልሁመ ዶር ኤረትሮጵን እት በራምጅ መዳፊዐት እብ



ኸሰሰ ሰሚናር ሀቡ፡ ሰብ-ወራት ፈን ለብእቶም ፋረቅ ናይ ዮም ዓመት መሀረጃን፡ ምን ዓዳት እብ ቀደመዉ ጽብጥ ናይር ዐለ።

# ውዛረት ተዕሊም፡ ጌማም ከደማት ረውደት ወዳት



ውዛረት ተዕሊም፡ ምሰል ውዛረት እዳራት ኢቃሊም ወመክተብ ኢርዛቅ መቅደረት ኢዳም ዐዲ-ሃሎ እንዴ ተዐወነት ለነዘመቱ ጌማም መትቀዳም ከደማት ረውደት ዲብ ሰነት ድራሰት 2025/2026 ምን ዮም 23 ኢሰክ ዮም 25 ጁን ዲብ አሰመረ - ቃዕት ኮንፈራንስ ስቃለ ወዳት።

ዲብለ መ-ደራእ ኢቃሊም መሰ-እሊን ወወካይል ውዛረት፡ ሰብ-ሸርከት ወወዘመት ለገብአት እግሎም ለሻረከው ዲቡ ጌማም፡ ወዘር እዳራት ኢቃሊም ሰፊር ዐብደሰ መ-ሰ ዲብ አሰመዐየ ናይ መክሰቲ ከሊመት፡ ጅብሀት ሸብብየት

ዲብ መደት ንዳል እግል ሕርየት፡ ሕኩመት ኤረትሮጵን ሀይ ሐቆ ሕርየት ዲብ መጃል ተዕሊም ለወደዉ ጅሀድ ትሩድ ሐቆለ ሸርሐ፡ ሐዘት ከደማት ምሀር ዲብ ወግም እንዴ ኢቲት፡ እተ ሐልፊት ሰነት መአሰሳት ረውደት ዲብ ኩለን ደገጊት እግል ልትፈትሐ ለትከሰት ምሰዳር እግል ተአሳድር፡ እዳራት መሰሉልየት ዐባይ ክምበን ኢትፋቀደ።

ወዘረት ተዕሊም ደክቶረት ሐሊመ መሐመድ እብ ጀሀተ፡ ዐገል ውዛረት ተዕሊም- ብቅዔ ተዕሊም እግል ኩሉ እብ ለትመሳዌት ኢትባጽሐት ክምቲ፡ እሊ ሀይ ኢሳሰ ሄራር ኢከደት ሐል እጅትማዲ ክምቲ እንዴ ሸርሐት፡ ዲብ

## ጸጸትርየዐጸጸኸ

ክል አርቡዕ ለትጠ'በዕ ጀሪደት

መዳልያይ፡ - መሐመድ እድሪስ

ለይአውት ወአርተዖት \* ዘሀረ ዐሊ \* ፋጥነ ኢድም

ተለፎን፡ 121797/201820 (258)  
ፋክሲ፡127749፡ ዕ.ሰ.ቡ፡ 247

ተውዘዕ ጀሪደት፡ ተለፎን፡163471-07588045

ኢትአመሮት፡ ተለፎን፡ 125013፡ ዕ.ሰ.ቡ፡ 1284

# ዲብ ገሉጅ፡ እንሱሰ ዲብ ሰነት ሐለት ዓፍየት ክም ሀለ ተሐበረ

ዲብ ምዳርየት ገሉጅ፡ እንሱሰ እብ ገብእ እግሎ ትሉሊት መራዐየት ሕክምን፡ ዲብ ሰነት ሐለት ዓፍየት ክም ሀለ፡ መሰሉል ዓፍየት ሐቀናት አሰይድ ሰረቆ መድሃኔ ሐበረ።

ዲብለ ምዳርየት ዝያድ 200 አልፍ ንዋይ፡ ዝያድ 160 አልፍ አግል ዝያድ 360 አልፍ አግጌዕ ወዝያድ 14 አልፍ እንሰ ክም ሀለ ሐቆለ ሐበረ፡ ዓፍየት እንሱሰ ወድዋር ደማት እግል ልርኩቡ ምሰል መሸተርከት ጀሃት ለገብእ ወራት እጅብየት ክም ትትረከብ ምኑ ሐበረ።

ምዳርየት ገሉጅ፡ ምሰል ክልኡ ደውለት ሰበት ትትሐደድ፡ ጥልቅት-ሐረከት እብ ለጀራ ሕማም መዐደይ-ሕዳድ እግል ዓፍየት ትሉሊይ ታያን ክም ገብእ ሐቆለ ሐበረ፡ ሐረሰቶት፡ ሰብ-እንሱሰ ወሰብ ርዕየ ወቅታይ-ሐብራ ዲብ ሓላፎት ለወድወ መዐወነት ሐመደ።

እት ሰነት 2026፡ ዲብ ምዳርየት ሕማም ሐ ሰበት ትርኢ፡ ዲብ 16 እዳራት ዳሕያት ዝያድ 40 አልፍ ሐ ፍድኢት ዲብ ነሰኢ፡ ዲብ አግል ወአግጌዕ መ እሊ ለሸብሀ በርናምጅ ክም ገብእ፡ አሰይድ ሰረቆ ሸርሐ።

መጥመጦር እሊ፡ ፊራሮ ፍድኢት ድድ መትሸርዓን ክም ተሀየባ'መ አፍሀመ።

አሰይድ ሰረቆ ዲብ ደንገቡ፡ ዲብ እዳራት ዳሕያት መንገላ፡ ሳብናይት፡ ገርገፍ ወዐድ-ሸጋሊ፡ ምሰዳር እግል ትትነሳእ ሐቆለ ተሐሰቡ፡ ራህያታት መታብዐት ወጃቦት እግል ትግባእ ዲቡ ትፋን።

ሰብ ንዋይ እብ ጀሀቶም፡ እሱሶም መራዐየት ሕክምን ሰበት ረክቦ ዲብ ሰነት ሐለት ክም ሀለ፡ ምናተ ዲብ መሸፈል እብ ሰብሀ ሀመሌ እንሱሶም ዲብ ብቆት ሰበት ሀለ፡ ለትከሰሶም ጀሃት ሕሰር እግል ሊደው ዲቡ ተሐሰቡ።

# መድረሰት ፈንየት ደቀምሐሬ፡ 144 ደረሳይ አድሐረት

መድረሰት ቴክኒክ ደቀምሐሬ፡ እግል መደት ክልኡ-ሰነት እብ መጃል፡ አውቶሚካኒክ፡ ኤሌክትሪሲቲ፡ ወራታት ብናእ፡ ነጃረት ወሐዳደት፡ ክምሰልሁመ ኤሌክትሮኒክስ ወወራታት ሐጺን ለደርሰው 144 ደረሳይ፡ እት ዮም 24 ጁን አድሐረት።

ዲብ 22ይት ዓደት መድሐራት፡ መ-ዲርሊ መድረሰት እሰታዝ ወሃብ መሓመድ-ዐሊ እተ አሰመዐየ ከሊመት፡ መትድሕረት እብ ፍዕል



ወንዘር ለተሀየቡም ድሩሰ እብ በቃዕት ክም ኢትመመው ሐቆለ ሸርሐ፡ ለረክበዉ ድሩሰ አርድየት ክም ለአጠፍሕ እግሎም እንዴ ፈሀመው፡ እብ ሸቅል ወቅራኢት እግል ልጠፈሩ ትፋን።

ዲብ ውዛረት ተዕሊም ምዳር ዓም ቅሰም ተእሂላት ቴክኒክ ወምህነት አሰይድ ተሰፋይ ሰይም እብ ጀሀቲ፡ ሕኩመት ዲብ መጃል ምሀር ትወድዮ ለሀሌት ፊራሮ ሐቆለ ሸርሐ፡ ሸባብ ደረሰ ፍቲሕ እግሎም ለሀለ ኢብካት እብ ተአሰትሀል እግል ልትነፍዮ እቡ ኢትፋቀደ።

ምዳር ምዳርየት ደቀምሐሬ

አሰይድ የማይ አበረ ሀይ፡ ኢዳም ዲብ ሸቅል ክም በቄዕ እንዴ ሐበረ፡ መትድሕረት ለክልኡ ሰነት ታበወዉ ድሩሰ ምህነት ዲብ ዐመል ለለአውዕሎ ዲብ መርሐለት ልትዐደው ክም ሀለው እንዴ ሐበረ፡ ዋቅያም እግል ልግብእ ትፋን።

መድረሰት ፈንየት ደቀምሐሬ፡ እት ሰነት 1999 ምን ኩለ ወጠን ለመጽአው ደረሰ ንዘም ድሩሰ ቴክኒክ እግል ተሀብ ለአምበተት ትገብእ እት ሀሌት፡ እተ ሐልፊ ሰፍታት 413 እብ ዲፕሎማ፡ 3,577 ሀይ እብ ሰርቴፊኬት ክም አድሐረት፡ ወሳይቀ ለአርኢ።

## ዐሊሌ ሐምበሬ!!!

### 3ይ ክፋል

ሐቆ ሕን ለሐው ትቃንጽን አቡዬ ድንግን ህግጥሁ ውቁል እት እንቱ ብዙሕ ሰአት እት እምዬ ወጀህ ወአጀርበዎ። እምዬ ምን ብዳረ ግሳይተ ቅብላቱ ሰበት ዐለት። ለእግሉ ሓብዐት ለዐለት ፍክረ ለሐምረገ መስጠር እግሉ እግል ተአፍግር ሰልፍ ህግጥሁ፣ ደሚረ ምን ፍርድ ዝልም፣ ሰበት ትደመሉ፣ ዕንታተ ጭሩይ አናቤዕ አባደረ።

አቡዬ እሊ ሰድ እሊ እምዬ ብዙዮ ኢኮን አዘግመ እብሩዱ ሰበት የዐሉ። እት ክሉ ገርቡ ቅጠብ ሕማጥ አንጀብ ለትመሰል ሸዕሊለት ህተ ዐርገቱ ምን። ሐቆ “ሂቅ ወሸቅ” ትቤ። “ወድ ሐንክ ትቤ ገብእ ኣብ ሕሩይ?” እብ ሰአል አፍሀ ፈትሐት እግሉ። እንዴ አትሌት። “ፈጅር ጽቤሕ ምድር እት ኣካን ሸቅልዬ ተምምኹ። እት ዕለታይ ሸቅልዬ እብ ነገጥ እግል እሸቄ። “ያፈተሕ ያዐሊም” እንዴ እቤ ሐቆ አሰተብዳኩ፣ ለካትብ ሸርከት፣ ምን ግንሐቼ ልትናዋኔ ሐቆለ ጸንሐ። ክልኤ ዕንቱ ለእግሉ ባብለ ሸርከት እግል እፍተሕ እብ። ጸብጠቱ ለዐልኮ መፍቴሕ እት ለአትቃምት እብን። እሊ ለዱቅሪ ግንሐቱ እት ገብእ እንዴ ሰርቀ ህዬ። አሰክለ ከብጃ ለህያብ ረቢ ዐልቀት ግቅረት ለዐለት። እብ ተሪፍኪ ምን ሸቅል እግልዬ ኢትሕመይ። እብ ተአሰማዕ ግንሐት ዕን እግሉ እት ከብድኪ ለዐለት ሕንት ምስለ ትብክሲ ልብሊኒ ለህሉ እት መሰል። መአቤይ እቅማተት ሐቆለ አቅመቴ። ክምእኒ ቤሌኒ” ቲሉ።

“እም ሕሩይ ግድም እንቱ ምን ሸቅል ኣብጠረ ብህላምን ሰበት ህለው። ሸቅል እግል ተአትካሪመቱ”። ቤሊኒ።” እሊ ሰድ እሊ ኣብ ሕሩይ። ድሕረት ቤት። ወተየልል ዝሩፍኑ። ለሀ ወእለ እት እንብል። ፈገርዬ ምን ሸቅል ሰኒ ትመክረህ እቴ። ህተ ለኢሳረተ አዜ እንተ ለውዳክኒተ ሐቱ የአምር። ንዮት ሐጫር ህዬ ምስልዬ ትከለቀት ኣብ ሕሩይ” ቲሉ። ከለእግሉ ግቅረት ለዐለት መስጠር ሰበት አፍገረት ህግጥሁ ተረትዐት። ወአርወሐተ ቀለት እግሉ።

አቡዬ እሊ ሰድ እሊ ሰኒ ፋርሕ እት እንቱ “ወገህ! ግብኢ እም ሕሩይ እንቱ ህዬ። ዲመ አልዳይም። እት ርሕነ ተአትሐዜ። ተየልል መንበር እዲን ምርት ቡ ለባልሐ መስሌኪ? ባልሐቱ እብ ናይ ሕበር መትሐሳር ቲ። እዜ “ምን ሸቅል ብጠርኪ” ሰበት ቤለውኪ። አክል እሊ ገሄኪ ወእና አግሄኪ!? አባይኪ እም ሕሩይ ገዱ አምሰ” ቤለዩ ሰመዕናህ። ሕነ እርዩማም ምኖም ምንመ ዐልኑ። ክልኤ እዝን ክል ምኒኒ ክምሰለ እተ ቤት ምስሎም ታርፋት ለዐለዩ ለእግሉ ትባለሰው እት ምስሜዕ እዝን ቀጥረት እግልኑ።

ሐቆ እሊ እምዬ ለምን አቡዬ እግል ሐቱ አምዕል በርሀቱ ሓቤዕ ወግልሙሽ ወዕል ለዐለ ገጸ እግል አትባርሀት ቅሎዕ እት ወዴ ባናለ

ብርሃኑ እግል ክሉ ለኮን ሻምል ለህለ መሰለ እትን። እነ ወሕሩይ ሐቱ እብ ደሚር አሰናይን አድሕድ ሰዐምን። ባርህ ላቱ ክመ ብዳር እቤል። ብዳር ለመክሩህ ሸዑር እግሉ ልቡ ኢከረ ወሐራመ እት አተናሳዮም ኢገበኡ። ህሙ የም ትልሂይሁ ዋዲሁ እት እንቱ ለአምሀዝን ሌጠ ዐለ።

አቡዬ ክልዶል ወለት አንሳይት ወለተ እግሉ ገብኡት ትግበእ ውጽኢህ ወሕላሌህ ኢፈትዮ። ኢኮን ሐማሀ። ወሸርከት ዲማሀ። አሰክ ሸቅሉ እት ለአገዌሕ እተ ለናይ ብሕተ ሸርከት ለእምዬ ላተሸቄ እተ እንዴ መጸኢ። አሰባብ መትዳጋኖም ምን ሸቅል እብ ረሰሚ ወገቤይ ቃትንዮት ተአሰለዮም። ለ”ኢትምጽኢ ፈጅር” ብህለ ለዐለ ነፈር ሰክርቴረ ሸርከት ሰቡብ አፍገርተ ምን ሸቅል እግል ለአምር እግሉ ተሰአለ ወበሊሱ ተጸበረ። ለሸቅልኪ ኣትካርሚ ብህለ ለዐለ ነፈር። እግል ለአምር ኢኮን። ዐሰር ዶል ምራቁ ሐቆለ ወሐጠ። ወልታእተእ እት ልብል። ክምእኒ ቤለዩ። “ህተ እም ዕያልክ ውላድ በ መሰሊኒ?” እት ልብል እግል አቡዬ እብ ሰአል መሰሊኒ ተሰአለ። ከኖሱመ ኢትጀመለ እንዴ ኢኮን በዐል ፈርዐ ሚቱ እብ ከአፎ ድሊተ ለአምር?

አቡዬ እብ ሐሩቀት ረአሱ እት ነዋይ። “እብ ክሰሰ ውላድ ህተ ወአብ ጾዋህ። ወሰብ ሸርከት ሸቅሉ። ወትንፍድራልዩት ሸቃለ ልትአመር። እብ ወለት ገበይ ላኪን እግል አዋልድ አንሳት ሰበር ፍንገህን ወፍንገኒ ሸቅለን ኢትግበኢ። እንቱም ሐምበሬ መካትብ። ሴመ ፋእደት አሉብክም። እምበል ዐለሉ። መንኮር!! ደረር ኢኮን ወድራር” ቤለዩ ወአሰክ አካን ሸቅሉ ተወከለ ምን። እምዬ ህዬ። ሸቅለ እግል ተአተላሌ አሰአለዩ። እብሊ ህዬ። እምዬ ሰቡብ ለእቡ ትፈግር ሰበት የዐለ እግሉ። አሰክ እለ እተ ሸርከት ተሸቄ ህሉት።

እነ ቀደም ግያጤ አሰክ መድረሰት እምዬ ትነቅመኒ። ወምልዐል ክሎም ሐውዬ ለብሰቼ ወወተሰራሕት ጭገርዬ ወክሉ እሙርዬ ተረትብ እግልዬ። አናመ ሐቆ እምዬ ዴማት ግርመት እንዴ ገአኮ ትርኤተኒ አርወሐቼ። ሐቆ እምዬ እቤ!? እምዬ ላቱ ዕዛለ ኖሰ ተ! ላኪን አናመ ሐቆ እም ገበኡ። ክምሰልህ ዴማት ለውቀት ወፈርሐት ክምሰል እነ እት ልብዬ ትተሰወረ እግልዬ ዐለት። እግል እበል ምን ሐዘኮ ቲ።

እግል እትሰአለ ሐዘኮ መሰሊኒ። ተሐከኮ ወኪን ወእንሰር ትማቀኣት። ወሐር እዳለ እፈትዮ እምዬ ምን ተሰራሕት ጭገርዬ እንዴ ኢትትከሬ። “ይመ። ይማይ!” እቤለ እግል ሰአል እት አትራቴዕ ወአትግል። እምዬ እብ ርሐም ገጸ ሸክዬ እት ገይሕ። “አህ። ሰራይዬ ወዕቅረቴ። ሚ እግል ትብሊ ሐዘኪ ደፍአቼ”? በልሰት እምዬ ለረሐመተ ወዕሸረተ ጌዳን ለሰአት እት ረአሸ። ሐቆ መትኣካክ ወመተልሀት ምን ጀሆቼ። ክምሰል እሊ ልብል ዐለ በሊሼ።

## ዐሎባጥ ብልጽግነ ለፋደሐ ሀጋይን

ብልጽግነ ሰእዮቱ ትትብተክ ክም ሀሌት እት ልትብዩን መጽእ ሀለ። ለዐሎባጡ ወለሀጋይነ እት ደረጃት ሰከራት ባጼሕ ለህለ መሰል። እብ ገበይለ ህሉፍ ወባዲ ጌታቸው ረደ ልትፈራረቅ ለህለ ልብ ለቀሬሕ ሕሰይ ወመናካል ኤረትርዮ ህዬ። ሐ-ዳይ ተአምርታ በቲክ ሰእዮቱ ቲ።

ህቲ። ክም እሙን መፈሰራይ ስያሰት ወመርጃዕ ሐቆ ትነሳኢ። ለቀደም አዜ እት መደት ሓርብ ትግራይ እብ ተለፍዝዮን ወማሕበራይ ሚድያ እግል ርኢሰ ውዘረ ኣቶብዩ ኣቢይ ኣሕመድ ወዴሽ ኣቶብዩ ልብሉ ለዐለ ሀገጊት ውልቲክ። ክም ክቡት እግል ልትነሳኢ በህለት ቲ።

### ገሌ ምን እብ ክሰሰል ርኢሰ ውዘረ ወዴሽ ኣቶብዩ ልብሉ ለዐለ። ቅብብ ወአትኣል እግል ንዝከር።

- አቢይ ኣሕመድ ምስቶ ስያሰት ቲ። ኣቶብዩ ዲብ ሓለት ጥቢዕዮት ለህሌት ዐድ ወዐለት። ዲብ እሱብዳልዮት ሐማይም ዐቅል ኣው መራክዝ ኣሰናይ እንዴ ኣተ ወትሳረ።

- እሙ ጅን ሰሶዕ ሰነት እት እንቲ። ዲብ ሕልመ እንዴ ልትሸየም ክምሰል ርኢቱ ለደግመተ እሉ። ክም ኣማን እንዴ ሓሰባዩ ለለአሰቅር እብ ነፈር መርባዩ ቃዊቲ።

- አቢይ ኣሕመድ ሐበት ድራሰት ኣለቡ... እብ ከፎ PHD ክምሰል ረክብ ምን ትሰአሉ ዋጅብ በሊሰ ኣለቡ።

- አቢይ ኣሕመድ። ክም ተአምርተ ጥልም ወጠን ዲብ ኣክትብት ተዕለም እግል ልትወሰቅ ለወጅቡ ቲ። እብ ክሰሰ ስያሰት እግል ልትሃጌ ኖሱ ሐቅ ወኤማን ኣለቡ።

- ህቲ። ዲብ እለ ዐድ ሀረግ ሰሙም እት እንቲ ለበቅላ ቲ።

- ጅኔራል ብርሃኑ ጁላ ወለብዕዳም። መአዜ ዴሽ ባቄዕ መሩሕ ህለው። ለዐለ እሎም ሐ-ዳይ ምን አምር ዐሰከርዮቶም ኣብደዉ። ክምለ እት ኣባገሪ ኣማውር እሊ ሸርዑን ሚርሓዮም ጠዩዕ ህለው።

- እሊ ኣባይ ሸዑብ ላቱ ዴሽ ኣቢይ ኣጀንደት ሐርብ እግል ልሰርግል። እምበል ፈጥን ወሌለ ሸዑብ ወሸባብ ለአፈኔ ህለ... ጌታቸው ረዳ እብ ኣሳክን ዐቅሉ ወዶልክ ለልትባለሰ መብደእ ስያሰቲ። ክም ቀልቡ ወሻኑ ዲብ ሕድ ለኢቤይእ ሸሬሕ ቲ ለለህይብ ። እትሊ ቅሩብ ወቅት። ምስለ ጌዳን ለአለቡ ዕየር እቡ ጠርኖም

ለዐለ ሕኩመት ፊድራል ወርኢሰ ውዘረህ ናይ እንተሃዝ ልብን ሓቆ ወደ። እብ ምር ገጹ እንዴ ትብለሉ። እግል ዐሰርታት ሰኒን ጸብጠ- ለጽንሐ መብደእ ስያሰያሰት እንዴ ኢክጅል ቀብቡ ልትሰማዕ ህለ።

እትሊ ወቅት ቅሩብ እተ ሀበዩ ሸሬሕ። እግል መልህያም በዲሩ ዲብ የንድን። “ትግራይ ደውለት መስተቀለት እግል ትግባእ በ ለልብሎ ብዝሓም ቶም። ኣናመ ሕፍን ዶል እወዴ (ክምረት ዶል እጨርብብ) እብላ ዐልት” ቤለ።

እግል ጌታቸው ምን ቅሩብ ለደልዉ እብ ልቡሉ። ምዕል ረቢ ምን ጽብሐተ እት ሚሰተ ዲብ ሰከር ቱ ለልሓልፈ። እቡቱ ክናየቱ “ሾድካቸው” ለገብኡት። ሰበት እሊ ስያሰያይ መባጥሩ ምዕልክ ሕጥሩ በድል።

እሊ እብ መሰኡልዮት ለኢልሸዕር ነፈር ከደን ዐዱ ለለህይቡ ሸሬሕ ስያሰት። ከአፎ ሚዛን ልትሀዮቱ

ለዲብ እሊ ወቅት ሓርያይ ድድ ኤረትርዮ ለተሃገዩ እብ አከር ወክራህዮት ለትለከክ ህላፍቲህ በሊሰ ኢለአሰትህል። ዲብላ “ኤረትርዮ። ኣቶብዩ እግል ተአትሐውን ወትደምር እብ ናይ ከይነት ጅሃት ለትከለቀት ተ” እተ ቤለዩ ሱቲት ሂገ መናካል ወሸክዮት ተእሪክ ሌጠ እግል ንረክዝ።

እሊ ተእሪክ እግል ትሸንኪ ወሐር እግል ትብለሉ ጀረዑት። ብልጽግና ናይ ሐርብ ኣጀንደቱ ራትዐት እግል ለአተምሰለ እብ እማሚብ በድብደ ለህለ ክምሰል ቲ ኣመርት ምህም ቲ።

### ተእሪክ ህዬ እሊ ለተሌ እሰባታት ብእቲ።

1. ኤረትርዮ ዲብ 1940ታት- ወቅት መትብርባር ምን እሰትዕማር። ለኢልትሐለፍ ናይ ሕርየት ሐቆ እንዴ ትነዘዐ ምን። ርቤሕ ጁኢ-ስያሰት ኣሚሪክ ውበዕዳት መስታዕመረት ድወል እግል ዐቂብ እንዴ ትብህሉ። እብ ፈደሬሽን ምስል ኣቶብዩ ክምሰል ትትቀረን ገበኢ።

2. ሕኩመት ኣቶብዩ ዲብ ወርሕ ዲሰምበር ሰነት 1962 እግል ፈደሬሽን እብ ኖሰ እንዴ ወርኪቲ። ኤረትርዮ እት ሐንቲ እሰትዕማረ ተአትዮ እት ህሌት። ሙጅተማዕ እዲኑ ሕድ እብ ሸብህ ሕሳባት ሕም የአፍገረ።

3. ኤረትርዮ ወሸባብ። ክቡድ ጸር ንዳል ሕርየት ወጠን እንዴ ጸረው። 30 ሰነት እት ንዳል መሪር እግል ልትጸመዶ ወወል ክቡድ እግል ልድፍዮ ትጀበረው። እተ ዶል ለሃመ ምን ገብኢ። እድንያ እብ ተማመ ጠልቶም። ብዕድ

ልትረፍ። እግል ቃትንያይ ንዳል ሸዑብ ኤረትርዮ እግል ሕርየት ወጠን ለወዴተ ናይ መዕነውየት ልግበእ ወማል ሰደይት ኢዐለት። እብ ዐክሰ እብ ንገሰ ውእብ እግሉ ደርገገ ሐሸም ዐሳክር ትትመረሕ ለዐለት ኣቶብዩ። ምን ኣሚሪክ ወእተሓድ ሶሻዮት። ድወል አርቤ። እሰራኢል። ክምሰልሁመ ገሌ ድወል ዐረብ። አሰዮ። ከብ ውብዕዳት። ዐባይ ናይ ዐሰከርየት። እቅትሳድ ወሰያሰት ሰዳይት ትገብእ እግል ዐለት።

4. ሐቆ ሕርየት ለአተላላ ሓላት መ። ምን ናይ ወቅት ንዳል ለልትፈንቲ ኢኮን። ንዛም ኣቶብዩ ለአትዩ እትፋቃት ኣግደ ህዬ ኣሚሪክ። እትሓድ አርቤ። ምጅልሰ ቅራን ወእትሓድ አፍራቀ ክም ደሚን ለፈረመው እቲ ናይ ደንገበ ወለቀይድ ቀራር ልጅነት ሕዱድ እንዴ ኬይ። ስያሰት ኤረትርዮ እግል ዝያድ 20 ሰነት እብ ወረር ጸብጥ እት ህለ። ድወል ለድቁባት ውእብ ዐቢሁ ህዬ እድንያይ ሙጅተመዕ ለትወጅብ ምስዳር ኢንሰኦቶም። ፍቴሕ እንዴ ኬይው እብ ዐውል ፍቴሕ ጀላብ መካሰም በጠርም ለወዴሕ ቲ።

5. ዲብ እሊ ለህለ ንዛም ኣቶብዩ ኣጀንደት ናይ “ስያሰት መንገሕት በሐር” እብ ሀረሶት ንጋረት ሐርብ ለህንድግ እቲ ለህለ ሐንመ። እግል ኣቶብዩ ኣትናሳር አተላላ። ሰለሰ ቢልዮን ዶላር ለትትጌመም ሰዳይት እድንያይ ዴማት ሰላዲ(IMF)። ዲብ ገበይ ህሌት። እትሓድ አርባመ ደንፍ ሚዛንዮት ለትከምክም ሰደይት እግል ሊዴ ገለድ ባይእ ህለ። መጥ-መጥር እሊ። ድወል አርቤ። ኣሰዮ። ምግባይ ምፍጋር ጸሓይ ውብዕዳት እግል ኣቶብዩ ለወድያህ ናይ በይን ሰደይት ባጥረት ኢኮን። እሊ ኩሉ ለተሀደገ ደላይል ሳብት። እግል ኣቶብዩ ለገብእ ሰዱ ለሓልፍ ትንቲን ወአትናሳር ለለአርኤ ቲ።

6. ገሌ ተቃሪር ክመለ ለአክዱ። ኣቶብዩ ዲብ ሐልፈዮ 30 ሰነት። እብ ጀሚዕ 114 ቢልዮን ዶላር ሰደይት ምንለ ትፈናተው ጅሃት ራክበት ቲ። እለ ሰዳይት እለ ህዬ። ለተአትገራግር እንዳኮን። ክመ ልትብህል “ኣቶብዩ እግል ሓወኖት ወደመርት ምን ገብእ ኣከይ ድምር” እግል ኣድሐኖት ለትትመጤ ክምሰል ኢኮን አምር ባርህ ቲ።

እብ ህግዩ ብትክት። “ተሕሊል” ጌታቸው ረደ ዐደድ እለ ሚዛን ለልትሀዮቱ ኢኮን። ዲብ ኣቶብዩ ሰልጠት ጸብጥ ለህለ ሕዝብ ብልጽግነ እት ሃራሰ ወቀሳቃሰ እግል ልትነፈዕ እቡ ጀረቡቱ ላኪን። ዕላመት ጸቢር ሰእዮት ቲ።

## “አምርን እብ ክሱሰ በሐር እግል ነክዚድ ወክድ ኢነብዬ” ካፕቲን ለኣኬ ዘርኡ

ሙሰውር፡ አክሊሉ ዘርእዘገ

ታሪክ ሰፈር ዲብ በሐር ሰልፍ ለግሎብ ትትብህል ዲብ መዳርስ እንደርስ እብ ለህሌነ ሸክል ዐለም ወድ ግሪክ ቱ ለሸቀዩ። ሐቆህ እሊ ከራይዋ ናይ በሐር ወምድር ምነ ግሎብ ትረሰሰሙ። እሊ ህዩ መርካቱ ለልትብህል ወድ ብርግንያቱ ለአዳለዩ። እሊ ወክክትብት ናሱ ለአዳለዩ እንዲ ጸብግቱ ህዩ ካፕቲን ለኣኬ ዘርኡ ዲብ መዕረድ ዲድ ፈንቅል ዝክረት 36 ሰነት ተውዳሕ እግል ሸብ ለህይብ ዐለ። መልህዮትን ከልሹም መሐመድ ህዩ ካፕቲን ለኣኬ ዘርኡ ምስሉ ለወዳተ መቃብለት ሐጫር ዲብ እሊ ናይ ዮም በርናምጅ እግል ንቀድመ እግልኩም።

እሊ ከራይዋ እሊ ክም ዳለ ዲብ ሰነት 1500 ሸብ እዲን ተግድል ትጃረት እብ በሐር አሰብደ። ኤራትርያ ክም ደውለት ምንመ ኢትትአሰሰ ሚንት አዳሊሰ ላኪን ክም ሚንት ብዙሕ ነሻጣት ትጃረት ትትክበት ክም ዐለት ታሪክ ለልኣክዱቱ። እሊ ነሻጣት እሊ ህዩ ኤራትርያ፡ መስር ወግሪክ ዝያድ ከድም እቱ ዐለው። ካፕቲን ለኣኬ ህዩ እብ ክሱሰ በሐር ወተጃርቡ ለክትብዩ አክትብትም ዲብ መዕረድ ቅዱሙ ዐለ። ጽብዋ ናይላ አክትብቱ ህዩ ዕሉም በሐር ወተክኖሎጂ ለከምክምቱ እት ልብል ናሱ ወዳሕ። እብ ሂገ ትግርኛ ለአዳለዩ ሐምስ ክታብቱ። ሀደፍ እሊ አክትብት እሊ ህዩ ዲብ ኩልዮት ማሪን ሙደርስ ሰበት ዐለ ደረሰ እግል ለአድርስ እብ ለአዳለዮቱ። ቀደም ሕርያት ዲብ ለትፈናተ ድወል ካርጅ ክም ቅብጣን (ሰዋግ) ናይ ባቡር እንዲ ገብእ እግል ብዙሕ ሰናታት ለክድማቱ። ነብር እቱ ለዐለ ድወል ህዩ ለበዝሐ ወክድ ዲብ ምሒዋ ህንድ ባቡር ናይ ፓናመ ግብለት አሚሪካ እንዲ ጸብጠ ልትሐረክ ዐለ። ለበዝሐ ወክድ ህዩ እብ ሸቅል ምነ መናዋቅ ናይ ህንድ አሰክ ድወል ዐረብ ወከዘርኣንድ በጽሕ ዐለ። ምን ካርጅ ዐዱ ክም አቅብለ ህዩ ተጃርቡ እግል ሸብብ እግል ለህብ ዲብ ኩልዮት ማሪን ለአድርስ ጸንሐ።

ዲብ ኩልዮት ለድርሶም ደረሰ እብ ሂገ እንግሊዝ ቶም ለደርሶ ካፕቲን ለኣኬ ህዩ አክትብቱ እብ ሂገ ትግርኛቱ እዳልዩ ለህላ ከእሊ አግቡይ እሊ እግል ትአድርስ መሻክል ኢገብእ እትካኒ እተ ለልብል ሰኣል እት በልሱ። ሰልፍ እብ እንግሊዝቱ ካትቡ ለዐልኮ ዝያድ ላኪን ሂገ ናይ እም እግል ደረሰ ብዙሕ እግል ልፍህዋ ለሰድዮም ሰበትቱ እብ ትግርኛ መ ካትቡ ህሊኮ እት ልብል ወዳሕ። እሊ ህዩ ዲብ ኤራትርያ ክም መጽእ ቴለል ናይላ ደረሰ ክም ደለ ለወደዮቱ። ብዕድ እብ ዕጨይ ለሸቀዩ ባቡር

መ ዲብ መዕረድ ቅዱሙ ዐለ። ናይ እሊ ባቡር እሊ አህምየት ህዩ ባቡር ሕኔት እብ ሂገ ሌጠ ለአሙሩ በያን እብ ዐመል ሚ ክም መሰል እግል ልወዳሕ



እግሎም እግል ለልአደርሶም ሸብብ እንዲ ቤላቱ። ዲብ እሊ መዕረድ እሊ ህዩ አሸቃላቱ እግል ለአትአምር በክት እንዲ ተህየቡ ለመልኩ ኩሉ እንዲ ጸብግቱ ማጽእ ለዐለ።

ካፕቲን ለኣኬ ዘርኡ ዲብ ዐዲ ኃሊ ትወለደ ወዐቡ። መድረሰት እንዲ አሰብደ ህዩ ዲብ ዐዱ ደርስ ዐለ። ሕኩሙት አሚሪካ ውላድ ኤራትርያ ፈዳብያምቶም እንዲ ትቤ ዲብ በሕርያት ሸብብ ሰጅል ሰበት ዐለት ህቱመ እሊ በክት እሊ ምኑ እግል ለአሰተፊድ አሰክ ባጼዕ ጌሱ። ቀደሙ ሰስ ነፈር ሰጅላም ዐለው 4 ውላድ ወክልኤ



አዋልድ። እሊ ህዩ ሕኩሙት አሚሪካ እግል መሳልሐ እንዲ ትቤ እንዲኢትን እብ አማን ኤራትርያን እግል ልክሰቦ ገብእ ለዐለ ኢትን ልብል ካፕቲን ለኣኬ። አቡሁ ህዩ ዲብ እሉም ግስክ ምንገብእ እግል ተአቅብል ኢእንታኒ ሰበት ቤለዩ ዲብ ባጼዕ ናይ ካልኣይ ደረጃት ድራሰቱ አተላለ። ሐቆህ ዲብ ናይ ቅወት በሐር ኡቶብዩ ናይ በሕርያ ተዕሊም ነሰኣ። ዲብ መደት ኡቶብዩ ሙደርሲኖም ውለድ ብርግንያቶም ለዐለው። ደራሰቱ ክም አትመመ ህዩ ዲብ ናይ በሕርያ ሸቅል አሰብደ። ሐቆህ ካለት ኡቶብዩ ሰበት

ንዋይ ወተክኒክ። አሰክ ከዘርኣንድ ለጌሰቡ ሰብ ዲብ ሕርጊን እብ ሕኩሙት ከዘርኣንድ አካን ተዕሊም ጀለቦት ዓሰ ክሰትት ሰበት ዐለት ወካፕቲን ለኣኬ ዲብ ናይ ሕርጊን ክም ሙደርስ ወሙሸርፍ ከድም ሰበት ዐለ ምኑ እንዲ ትብገሰት ሕኩሙት ኤራትርያ ምስል ሕኩሙት ከዘርኣንድ እብ እሸትራክ ዝያድ ተጠውር እግል ልወሰክ አሰክ ከዘርኣንድ ትለኣኩ። ዕልሙ እንዲ አዜደ ህዩ አሰክ ዐዱ ኤራትርያ አቅብለ




ምስልዩ” ልብል። አሰክ እሊ ህዩ ዲብ ብዙሕ መሰሰት ሕኩሙት ክም መዋሰላት በሐር፡ ቅዋት በሐር ወቅዋት ጀው ለህላው ሻብብ እግሎም እብ ሰበት በሐር ብዙሕ ድናሰ ህዩ።

ካፕቲን ለኣኬ ዘርኡ እት አክር ዝያድ ለልትሃጌቡ “ሕነ ክም ሸብብ እሊ ኩሉ ረሓብ ወርዘቅት በሐር እንዲ ህሌት እግልን ብዙሕ ንትነፋዕ ምነ ኢህሌናኒ። ለሰብብ ብዝሓም ሸብብ ናይነ ወብሓራን እብ ሰበት በሐር ምን ደርሶ እብ ሰበት በሐር ብዙሕ እንዲ አመረው በሐርም ወፈተው ወሸቅል በሐር ህዩ ዝያድ ክም ልርሕብ ወገብእ። ምን እሊ በሐርን ብዝሓም ብሕረ ናይ መስር ዓሳን እንዲ ጀለበው አሰክ ከረ ከዘርኣንድ ለአዘብው ወዲብ ዐበዮት እቅትሳድ ወጠኖም ልትነፍዮቡ ህለው። ሕነ ህዩ በሐርን ብዙሕ እግል ንትነፋዕ እብ ቃድራም ኢህሌናኒ። ዲብ እሊ ወክድ እሊ ውዛረት ርዝቅ በሐር ኩሉ ለልትቀደረ ትወዳ ምንመ ህሌት ኩሉ ሙዋዋን ወወጠን እብ ሰበት በሐር ውብሕረ ለአምር ወልትሃጌ፡ ፈህሙ ወአምሩ ለዓቤ። ዲብ እሊ በሐርን ብዙሕ ርዝቅቱ ለህላ እግል። ትነፋዕናብ ምንገብእ ዲብ ሐርስመ ወኢሐዜናኒ። ሰበት እሊ አማንትኩም ኩሉ ኤራትሪ ሙዋዋን አሰክ በሐር ልግናሕ” ልብል። ሙዋዋን አሰክ እሊ በሐር ገንሐ ምንገብእ እሊ ዲብ በሐር ለህላ ርዝቅን እንዲ አዝቤነ ወበደልነ ሐገሌብ ምን ኤራትርያ ወአብዳ። እሊ እብ መናሰበት ፈንቅል ውብዕድ አሰክ ባጼዕ ለመጽእ ሸብብ ህዩ ዲብ መርከዝ ውዛረት ርዝቅ በሐር ምን መጽእ ብዙሕ ወአመረ ወዲብ በሐር እህትማም ወወደ። መሻረኩቱ ምስል ውዛረት በሐር ህዩ ወአዜደ። ውዛረት ርዝቅ በሐር ክል ሰነት መዕረድ ተአዳሌ ለበዝሐ ሸብብ ላኪን ኢልርእዩ። ላመ መጽእ ብዙሕ እንዲ ኢለአዳውሩ ገይሱ። ሰበት እሊ ለህላ እግልን አምር እብ ክሱሰ በሐር ልትአክር ህላ” እት ልብል ህዩ ዲብ በሐር እግል ንረክዝ ፈናሁ ለሓልፍ።



## ዕልም ዝላም ከረም ኤረትርዮ

ኤረትርዮ ዲብ ቀር አፍሪቀ ለህሌት ደውሉት ዲብ ትገብእ ይቡሰ ሓላት ጀው ወሕዲን ዝላም ለብእተ ለለአደመዐ ዐድ ተ። እብ ዕሙማይ ኤረትርዮ ዐድነ አርበዕ ሓን ብእተ። ወክልኤ ዝላም በህለት አውለት ወቀላቅል ትረከብ። ምናተ ሓን ሓጋይ ረዩም እብ ግብአቱ ለትረከቡ ዘላይም ካፊቱ እግል ኒበል ይንቀደርኒ። መራር ጸሓይ ጁን ምን ለዐል ከበሳታት ወጋድሞታት ምውዳቅ ጸሓይ ክም ተመት እት አሰረ ዐስተር እብ ግዩም ዝላም እንዴ ትገልበበት እብ በርቅ ወሀዱድ እንዴ ተሌት ለትመጽእ ዝላም፡ ሓረሰቶት እብ ሰእዩት ልጸቦረ። እለ ህዩ ዝላም ከረም ትሰማይ።



ምሓዋ ህንድ ለልትበገሰ ወላዊል አሰክ ከሊጅ ጊኒ በጽሕ። ወዝላም ካሬ፡ እግል ግብለት አፍሪቀ ለትረከብ እተን ድወል እት ለህይብ መጽእ። ጠላላቱ እንዴ ኢለአክልሰ እትጅሁ ምን ከሊጅ ጊኒ አሰክ ቀር አፍሪቀ ክም አተጅሁ፡ ኤረትርዮ ለትረከብ እተን ድወል ዝላም ለህይብ።

ዝላም እግል ሸዑብ ኤረትርዮ ምን ሓን ወኪን ክም ህንደጎት ልብ ለትረከኤ አሳሰ ሓያት ተ። ምን ውቁል ደሞሒ አሰመረ ወከረን አሰክ ርሒብ ጋድሞታት ጋሽ በርኩ፡ ዝላም ከረም ዔማት እተይ ወነብረ ክም ተ ልትአመር። እብ ተውሳክ እለ ዝላም እለ እግል

መልእ ከዛናት፡ አሽራም ወወወለ ተረት ዐባይ ተአገዴ። እለ ከዛናት ማይ መልእ ምን ገብእ ህዩ ንዋይ ወአዳም ማይ ሲቶ ረከብ፡ አርድ ገምል ወሰኔ።

እት ደንጎባ ከረም ቃዝረት ሊደያ እት እንብል፡ ሸዑብ ለቀጥረት ቅጥረት ዲብ መንፈዐት እግል ለአውዕለ እዲዬ እዲክ እት እንብል፡ ክዛናትን ወአሸረዐትን እንዴ አዳሌነ ቀደም ውሒዝ ገበይ እግል ነአዳሌ ወምን በርቅ ወውሓይዝ አጀኒትን እግል ንዕቀብ ነአትፋቅድ።

ዝላም እብ ሚ ወከፎ ትትቀየሰ? ቀየሶት ዝላም እንትባህ ወአምር ለለሐዘቱ። ዝላም ለእንቀይሰ እብ መቅየሲታት ብዘኸ ምንማ ቱ፡ ለአግደ ወክልዶል ለንትነፋዕ እብ መቀየሲ ደአም ረይን-ጌጅ ቱ። ረይን-ጌጅ ክባየት ለትመሰል ቅርረት ረደም እት ገብእ፡ ምን ለዐል አፍ ርሒብ ለቡ ቱ። ለቅርረት እብ ሰምጥ መሰጠረት ለመሰል ቅያሰ ህለ እግለ።

ረይን ጌጅ ምን አርድ እግል ልትወቀል ቡ። እተ ቅርረት አው ለክባየት ለትአክበ ማይ ቅያሰ እብ ሰንት ምትር ቱ ለልትቀየሰ። እብሊ አግቡይ ህዩ ቅያሰ ዝላም እት አምዕል ክም ክም ዘልመት ንአምር። ምን ዮም ሓቱ አሰክ አክር ዮም ናይለ ወሬሕ እንዴ ጀምዐነ ህዩ እት ወሬሕ አክል አዩ ቅያሰ ዝላም ክም ዘልመት እግል ነአምር እንቀድር። ወእት አክር ናይለ አወርሐት እንዴ ጀመዕነ ናይ ሰነት ቅያሰ ዝላም ነአምር።

## አድጋማት

### ድግም ቅርቅር ወወልደ ሓምድ

ቅርቅር ለትትበህል ሰፊረት ህሌት፡ ወሀተ ሓምድ ለልትበህል ወል ዐለ እለ። እግል ሓምድ ወድ ቅርቅር ንህብ ቀትሉቶ። ቅርቅር ወልደ ንህብ ክም ቀትሉቶ ምን ለመርባተ እግል ተአቅሰን ትትጸገም ህሌት። ንህብ ወውላደ እግል ተአብዴ ትሸቄ ህሌት። ለንህብ እት ጋንጊ ዕጩት ሚ እት ግብ እበን ወእት ሰቀለ ባይአት ክም ርኤተ አዳም ትመሬሕ እተ። ከአዳም እት ለሐልፍ ክም ርኤት እት ድግር ለአዳም እንዴ ገአት እንዴ ኢተአትካርም አሰክ ለአዳም አሰር ለማርሐተ ገብእ ትነቅም። ሓልፋይ ለንቅመተ ምን ፈርግ፡ ምን አምር ገዶ እም ሓምድ ልብል። ወልደ ሓምድ ወልደ ወወልኪ ቱ፡ ረቢ ወደዩ ምን ገብእ መርባቱ እግል ነአቅሰን። ወክነ ህቱ እት ለአድሂ እግል ወሀተ እት ትነቅም ወእት መርሐ እት አካን ለንህብ ትብጥር። አዳም አሰክ ልርእዩ እተ ተአትቀባብል። ሓቀሁ ለአዳም ክም ረአዩ ህተ ትገይሱ። ለአዳም እሳት እንዴ ለአጸብጥ እብ ለተናን ለንህብ ለአሸክር ከመዐረ ሸንክል። ቅርቅር ክእነ እግል አዳም እት ትመርሕ ለእለ ርኤት አካን ንህብ ክለ ተሐብር። ወንህብ እብ እሳት ለመሸንክለት ምን ወምን ውላደ ብዘኸ መይት። ቅርቅር ክእነ መርባት ወልደ ተአቀሰን ህሌት። ወአሰክ እዜ ክእነ ተሐብር ህሌት። ደአም ሓትሐቱ ዶል ትሰምድ ክእት ዋኒን ወእት አራዊት ትመርሕ።

ዔማት ምን አድጋማት አበው ቀዳምያም

## ርክን ርዶዶት ሓንገል

እለ ርክን እለ ለትፈናተ እግል ሓንገል ለለአትሐሰሴ ሰአላት ወመሳእል ለልዳሌ ዲቡ ርክን ቱ።

### English tips

- Match the words with their meanings.
- Forward a. the rules of a country
  - hall b. to the front
  - laws c. understanding
  - Knowledge d. a very large room

ሰአላት ዮም


1. እት ሓን \_\_\_\_\_ ክሎም ሓረሰቶም ወራታት ሓርሶም ለዓርፎ ም።
2. \_\_\_\_\_ መቀየሲ ዝላም ለሐብር።
3. ምን ሀወእ ለከውኖ ጋዛት ለአግደ \_\_\_\_\_ ወ \_\_\_\_\_ ዮም
4. ለአግደ ሰብብ ሓላት ጀው ትትቀየር እቡ \_\_\_\_\_ ።
5. ጨቅጥ ሀዋእ ለቀይሰ መሻቀዩ \_\_\_\_\_ ።

### Answer

1. b 2. d 3. a 4. c

### በሊስ

1. ጽርሃ
2. ጂጊ-ጊጊ
3. ሪጅህህህ ሪጅጅ-ጅጅ
4. ተገላግላ
5. ርክን



## መ ጤ ጣ ም

### ተአምሮ ገብእ?

- ንህብ ዝላም እንዴ ኢትመጽእ ክም ትሸዕር?
- ዕጩይ አው ድባዕ ዝላም ክም ልሰሕብ?
- ከባደት ጊመት ከረም እት ጋሽ በርከ ዝያድ 500,000 ኪሎ ክም ትትመዘን። እለ ህዩ ሚዛን 100 ሐርማዝ ክም ገብእ?
- ሕፋን ወላዊል ማይ እግል ልሰሐብ ቅድረት ውቅል ክም ቡ?
- አሰመረ ምን ለዐል 2300

መትር ምን ጠፈሐት በሐር ክም ትትረከብ። እለ ህዩ እግል ግዩም እንዴ ከርዐ ለዐል ክም ልትረፋዕ ወአጊድ እንዴ በርደ ዝላም ክም ገብእ ተአምሮ ገብእ?

### ምስል ዝላም ለልትጸበጥ አምሳላት ትግራይት

- ምን ዝላም ዲብ መጽሀይ ወምን ወሒዝ እት መዐደይ
- ጥቡስ ቅጥረት ኢተአጠልሉ
- ዝላም እት ገርብ ሰዐር ኢተአበቅል
- ዝላም ልሒተ ቀር ፈንቴ

## ተብሰም

ምር ሻብ እግል መርግቱ እብ መናሰበት 1ይት ዝክረት ሰነት ህዳዮም ሓቱ ግርም ሀድየት እግል ልዛቤ እግል ሐሰብ። እንዴ ለሐሰብ ዐለ ጥባይል እግል ልዛቤ እግል ቀረረ። ለጥባይል ክም ዛበዩ እግል መረ ፈርሐት ወትለውቀት። እግል ጥባይል እብ ከፎ ክም ትሸቄ እብ ተማም ሸርሐ እግል ወእግል ትትነፋዕ እበ አንበተት። ፈጅረተ ለመርግት ጥባይል እንዴ ነሰአት ሱግ ጌሰት። ለእናሰ እተ ጥባይል እንዴ ደወለ “ከፎ ወወልኪ ሸብሐት ልብዬ ቢለዩ። ለጥባይል ህዩ ፈቲክዩ?” እት ልብል ትሰእለዩ። ህተ ህዩ አይወ መረ ፈቲክወ አወል ቀላል ወንኢሽ ሰበትተ ወሐር ህዩ ለክርንክ እብ ዋዴሕ ሰበት ተአሰምዐኒ ህሌት ፈቲክወ” እት ትብል በልሰት። እንዴ አትሌት ክርንተ ድህር እንዴ አበለት እግል እሰአለክ እት ሱግ ክም ህሌት ከፎ አመርኩ። “የአምር ጽልመት አምዕል።”

## ሓብሬ

ሓይላም ቁርአት፡ እግል ትሻርኩ ምስልነ ወረኢይክም እግል ተሀቡነ ሰእዩትን ዐባይተ። ዕንዋንን ውዛረት ታዕሊ ምዕ ወሳእል እዕላም። ዕልብ ተለፋን 114991 ወዕልብ ቡሰመት ህዩ 609 ቱ።



## ሐጫር ዝክረት ሐያት ናይ ምሔርባይት አሰይደ አዳነሽ በርሄ



አፈወርቂ ቱ። ክልነ ክምለ ነአምረ ፍሬ እለ ዓይለት ምሔርባይት ላቱ ሙናድል ኢ ሰ ያ ሰ አ ፈ ወ ር ቂ ፡ ወድ 20 ሰነት ሸ በ ን ከ ላ ይ ናይ ጃምዐት ድራሰቱ እንዴ

ሐቲ ምን አላፍ ፍራስ ምሔርባይት ለአፍሪካ ኤራትሪያት እማት ላተ አሰይደ አዳነሽ በርሄ ሞት ዕቃል እዲን ምንገብኦት። እተ ሐልፈተን ሳምን ዳር አማነ አቱት። ለእም ለምሔርባይት። እት እዋን ንዓል ጀለ ሕርየት ለተላለፈተ ክርበት ወፍሬ ርሕመ እት ንዓል ተሕሪር ለአውሬዩ ሕሽመት ለተአስትህለ ግዴት ዐባይ እት ነአትዋይን እብ ሐበን ሳረሕናህ።

አሰይደ አዳነሽ፡ ምን አቡሀ አሰይደ በርሄ ወልዴህዋርያት ወእመ አሰይደ መድህን ሰእሉ ዐሰቡ እት ሰነት 1929 ዲብ አሰመረ ትወለደት። ዕምረ ሰነት ድራሰት ክም በጽሐ ዲብ አስኮላ ሺቶርዮ አሰመረ መአንብታይት ደረጃት ምህር ነሰኦት። እበ እተ ወክድ ለሀይ ለዐለ ዓዳት ወገባሪ ናይ ሙጅተመዕነ ሀይ። ወለት ሰዕ ሰነት ጅነት ዲብ እንተ እግል አሰይድ አፈወርቂ አብረሃም ተሀዳት። አስክ ደንግል ሐንቱ ዋልዴነ ሐቆለ ጸንሐት ብርክ ክም ፈግረት እት 15ይት ሰነት ውላድ ብክረ ሐቅፈት።

እም ምሔርባይት አሰይደ አዳነሽ በርሄ ምን ንእሽ ሰኒ ፋዝዐት ወመንተብሀት፡ ሳብረት፡ ወሃድአት፡ ርሐመት፡ መእከይ ወመሳድድ ለኢለአርዕቡ፡ በዐል ሰእየት ሰኔት ወክብድት ላተ ዋልዳይት ክም ዐለት አሙረ ልሽህይ እለ። አጀኒተ ዲብ ተዓቤ መጦር ዕብያት አጀኒት ነፍሰ እግል ትጠውር ለትፈናተ ምህናት ዳርሰት ቱ። ዐገል አዳላይ ነብረ፡ ወራት ብሰር-እዳ፡ ክያጠት፡ ዲብ ትትዐለም ውላደ ሰኒ እንዴ ደርሰው ደረጃት እግል ልብጽሐ እለ እት ትጸገም፡ መሰል ሰኔት ላቶም ውላድ ለአሰላሐት እም ቱ።

አሰይደ አዳነሽ እት ቀበት 42 ሰነት 14 ወልደት። ምን እሉም ለሰዕ ዲብ ንዓል ተሕሪር ለተላበረው ቶም። ምን ሰዕ ለክልኦት ጀለ ወጠን ለአስተሸሀደው ምን እም ስሙያም ምሔርባይት ቱ። ዎር ምን እሉም ሰዕ ምሔርባይት ሙናድል ኢሰያስ

አትካረመ እት ሰነት 1966 ዲብ ሰውረት ፈግረ። ሙናድል ኢሰያስ ዲብሰ ሰላሰ ሰነት ለነሰአ መሪር ንዓል እግል ሕርየት ለገብአ ግድለ ሰያሰት ወሰለሕ። እብ በቃዕት እንዴ መርሐዩ፡ “ለልትቀደር ኢኮን” ልትበህል ለዐለ ንዓል ተሕሪር ኤራትርየ እንዴ ተወወተ፡ ኤራትርየ ደውለት ሐረት መስተቀለት እብ ሰያደተ እግል ትግበእ ለዐቤት ሐዞት አግደ። ሐቆ ሕርየት፡ ምን ክሉም ሕየል ድቁባም ለመጽሐቶ ጸብኢት እንዴ ትግጠረ፡ ሸዐብ ኤራትርየ ሰያደቱ እንዴ ዐቅቡ፡ እንዴ ተሐሸመ ወትከጀለ እብ ሐበን እግል ልንበር ለአቅደረ ምርሓይ፡ ርሕም እምነ አዳነሽ ለፈረዩ ሓይስ ህያብ ሸዐብ ኤራትርየቱ።

እምነ አዳነሽ ዋልደይት ምሔርባይት፡ አግደ ሀይ ዋልዳይት ስሙይ ሙናድል ኢሰያስ አፈወርቂ ምን ገብኦት፡ ዲብ አያም

ንዓል ተሕሪር፡ እግል አርወሐተ፡ ጸዋሀ ውላደ እት ብቆት እበ ካሬ የም አለቡ መሐላኪት ትጀረበት። እኪት ወሰድት ሀይ ሓሰፈት። እበ ተሀንጦዋል ዐለት ብቆት እት አሰመረ ነበር ምን ኢቀድረት ሀይ፡ እት ሰነት 1978 እት አያም እንሰሓብ ሰትራተጂ፡ እብ ሚዳን እንዴ አበለት ገሌ ምን ውላደ ውላድ ውላደ እንዴ ነሰኦት አሰክ አሚሪክ ለጅኦት። ኤራትርየ እብ ንዓል ምሔርባይት ውላደ ወክሎም ፍራስ ኤራትርየ ክም ተሐረረት ሀይ ዐደ አቅበለት።

እምነ አዳነሽ፡ ርዩም ተእሪክ ምሔርባይ ለኮብረ እሉ ጸዋሀ አፈወርቂ አብረሃም እት ሰነት 1993 እብ ሞት ምንመ ትፈንተዩ፡ ውላደ ውላድ ውላደ እንዴ ትከለለው ሸቢቅለ እሉም ዓቤት ውላድ ርሕመ እት ተአዳውር ሐያት ሰዓደት ሐቆለ ሓሰፈት። እት የም 22 ጁን ሰነት 2026 እት 97ይት ሰነተ ምን እለ እዲን እንዴ ትሳረሐት ዳር አማነ አቱት።

የም 24 ጁን 2026 ሀይ፡ ወልደ ርኢሰ ደውለት ኤራትርየ ኢሰያስ አፈወርቂ፡ ምሰል ሐወ፡ አቃርቡ ወሰብ ዐድ፡ ክምሰልሀ-መ ሰብሰልጠት ሕክ-መት ወጀብሀት፡ ማርሐት ደያነት ወፈተች ለሐድረዉ ደፍን እት መቅበረት ጸሎት እብ ሕሽመት ተመ።

ኤማን ወሰብር እግል ክለ ዓይለት ወፈተች!!

እለ ተሌ ሕላየት እትሉ ሐልፊን አሌላት ዝክረት ሹሀደ ፈናኒት መርየም ሳልም ለሐሌታተ።

### እሎም ክልኦት

- እለ ምድር ተእሪክ እት ክል ሸብር
- ወሸሂድ እት ክል ብትር
- ደብረ ወመሓዘ ሻባይ ወሰዋትር
- ቅሰሰ ጸውር ለኢልትአመን ምስትንክር
- ምስጢር ዓቅር መዕነት ወጠን ለፈሰር
- እሎም ክልኦት ዲመ ምሰል
- ዲብ ሳትር ወዲብ ቀብር
- ፋርሰት እብ ዝናረ
- መጦር ሐሀ ሲረ ወሄራረ
- ክም አሰእኑ አሰእነ
- ክም ጭገሩ ጭገረ
- ክም ሰርዋኑ ሰርዋነ
- ክም ጽዋሩ ጽዋረ
- እብ ስመ ትትሌሌ ወእብ ነሐረ
- ክመ ምሰሉ ዐለ አሳዳረ
- ዶል አስተሸሀደ ዲብ አሰረ
- ቀብረ ጸንሐ እግሉ ለተሐፈረ
- እሎም ክልኦት ዲመ ምሰል
- ዲብ ሳትር ወዲብ ቀብር
- እብ በል ሸም መዳሬዕ ዲብ ልትመረሕ
- ሄረረ እት ሀደፍ እግል ልብጸሕ
- ሲምዓዩ ወአፍዘዐ
- ተእሪኩ ምን ልትሸረሕ
- ጅሩሕ ዲብ ለአፈግር ለልኦትሸሀድ
- ወሸሂድ ዲብ ቀብር ለልትጀረሕ
- እሎም ክልኦት ዲመ ምሰል
- ዲብ ሳትር ወዲብ ቀብር
- ተእሪኩም እት አግማም እግል ልትዋረሰ
- ወክም ዕልም እት ጃምዐት እግል ልትደረሰ
- ክም መብደእ እት አግማም እግል ልትዋረሰ
- ወክም ዕልም እት ጃምዐት እግል ልትደረሰ
- ወዲመ እብ ዝክር እግል ልምበር
- መቃብርም መትሐፍ ንቀይር
- ወዲመ እብ ሐበን እግል ልምበር
- መቃብርም መትሐፍ ንቀይር።

ሸዐር፡ እብ ፈናን ዐባደልቃድር ብሉሕ

## ዋልዳይት፡ ለኢትከሸፍ ፍቲ ወረሕመት

ዋልዳይት ዲመ ፋዝዐት፡ ቀደም ክሉ ለዕያል ትቀንጽ ወግረ ክሉ ትሰክብ ምን እንብል የአትራዘቅነ። እለ እምዬ ሚ ዶል ትሰክብ ወተአማድድ እንዴ ቤለ ለኢለሐሰብ ውሉድ ልትረከብ ገብእ፤



ለሀለ እለ ቅርብ ፍንቱይ ቱ። ምን ተሐንን አስክ ትወልድ ውላደ ጽሩይ ዑፋይ እግል ልግበእ እለ፡ ጋመት ለአለቡ ታምም እት እንቱ እብ ሰላመቱ እግል ልትወለድ እለ ዲብ ትደዴ ክሉ ሀመ እቡቱ። ክም ትወለደ ሰካብ ወዕርፍ ክም አናየ ትርእዩ ከእግል ኢልሰፍሬ ምን ዶልክ እት ትቀስቅስ ተአጠብዩ፡ ውልዋል እግል ኢልእተዩ ከእግል ኢልሕመም

ምን ትገላብቡ ወተሐፍዳ። ወክድ ሸሐጉ እብ አናካይ እንዴ ትታኬ ዐለት እግል ልሰዔ እለ ታቱ ተአብል። ክም ሰዓመ እት መድረሰት እግል ትርእዩ ትሸፍግ። ለደረሳይ አምዕል መድሐራቱ ትትካየል እለ። ክም ትደሐረ አምዕል ሀዳዩ ትተም። ዕምር እንዴ ሀባዩ ክም ረኤት ውላድ ብክሩ ለአርኤኒ ትብል። ክም ትብከራመ ውስክ ወአበለ እዩ ትብል። እብ ክለ ንዩተ ውላድ ውላደ ተዓቤ፡ እግሎም ሀዳዩም እግል ትርኤ ወእግል ልታከሎ እለ ትደዴ። ወለተ ዲብ ተሓርሰ ወእሰት ወልደ፡ ውላደም እት ትናፍዋ ወትከባክብ ንዩተ ትትፈሰሰ። ለዋልዳይት ምን ሰነት አዳም እንዴ በጽሐት በዐል ዕያል ገብእተ አስክ ቤት አማነ ተአቱ እብ ውላድ፡ አብ ዕያሉ፡ ውላድ ውላደ ውላደም እት ተሐሰብ ጸረ እንዴ ከሬት እምበል ሀሙም እብ መስተቅበሎም ለተሓልፍ እዋን አለበ። ለናደሉ፡ ለለጅኦት፡ እብ ሸቅል ለአራመ ዋልዳይት ሐቆ ሀሌት ምዕል

ሀሌት ለነአመሕብር እተ እት ልብል ልቡ ምን ሰእየት ምሉእ እት እንቱ ጸኔሕ። ወሀተ ለሰእየተ ዝያዳሆምተ፡ ለትሰደደት እንዴ ከሀለት ቤተ ሐቱ ምዕል እብ ተርፈ ክም ትብርሀ ወትሰኔ እንዴ አምነት ትታኬ። ሰድት እግል ትክህል ቀሰበ አለበ። ለቀለት ወእግል ናሰ ለትሰኔ ገበይ እግል ትንሰእ ለሕርያን እት እዳሃቱ። ዋልዳይትን ኤራትርየይት ሳኪን ክእናተ ክልቀተ፡ አክቦት ዓይለት እግል ሀም ወትርሃን ኢኮን። ውላደ ውላድ ውላደ እግል ልትከለሉ፡ ዎር እግል ትሀዴ እሉ ወሐቱ እግል ተአትሀደዩ፡ እግል ተሓርሰ ወተሐጽን፡ በዐል ርዩም እግል ለአቅብለ ወበዐል ቅሩብ እግል ልታከል እለ ሌግተ ትምጌተ ወጸገመ። እለ እግል ትርኤ ዕምር ምን ሀባዩ ሌጠ ጋንዐት ወሕምድት ቱ። እለ ትመሰል ዋልዳይት ምን ርከብናቱ ለዐድን እንፈቱ ወሰብእን። እምነ ወዐድክ ለበድል በታተን ኢሀለ ለእምብልመ እለ ትመሰል ዋልዳይት ምን ዓቤተናቱ።



ተመር፡ ምርት ምን ሞዎም ወቅዘእ ብዘሕ ለቡ ፍሬታት ቱ። ምን ቀደም ሰቦዕ አልፍ ሰነት ቀደም ተውሊደት ነቢ ዒሰ ዐለይሂ ሰላም እንዴ አንበተ ዲብ ምግባይ ምፍጋር ጸሓይ ልትበለዕ ክም ነብረ ተእሪክ ለአሰኔል። አሰሉ ህይ፡ እትሊ አዜ ዒራቅ ወገውረ ለብእቱ ባካት በቅል ዐለ። እት ዐድነ ኤረትርዮ ህይ፡ ገማል ተመር እት ሚ መሰል ተዋልል ክም ህሌት፡ ሐብራ እግል ለሀቡ፡ እት ውዛረት ሐርስ መመቅረሓይ መሻገሪዕ ዐማር ተመር አሰይድ ሙሴ ፍቃዱ ተውዴሕ ሃይብነ ሀላ፡ ቅራኡት በኪተት።

**ሰኣል፡ ሓላት ዐማር ተመር ዐድነ ከአፎ ህሌት?**

በሊሴ፡ ተመር እት ምድር ምጽምእ ቱ ሰኔ ለበቅል። ዐማር ተመር መካሰብ ብዘሕ ለብዒቢ ክሰኣት ማል ቱ። ኤረትርዮ፡ እግል ዐማር ተመር ለዋፍቅ ምን ራስ ቁሳር አሰክ ዱሚረ ለልትመደድ ለዋው በሐር ትመልክ። እሊ ርዝቅ ጠቢዐት እት መንፈዐት ገቢል እግል ተአውዕል ህይ ውዛረት ሐርስ እት ለዋፍቅ ቅብለት ወግብለት በሐር ቀየሕ፡ ርሒብ መሻገሪዕ ተመር ካሰኣት ህሌት። አሰክ እሊ ህይ፡ ቅያስ 50 አልፍ ሸትለት እንዴ ትሸተለዮ፡ 65 ምእታይት ምኑ እት ቅብለት በሐር ቀየሕ፡ 30 ምእታይት እት ግብለት በሐር ቀየሕ፡ ለተርፈ ህይ ዲብ አቃሊም ጋሽ-በርኩ፡ ዐንሰበ ወግብለት ገምል ለህላቱ።

መሻገሪዕ ዐማር ተመር ዲብ ኤረትርዮ፡ እግል እተይ ሌጠ እንዴ ኢገብእ፡ ባዶብ እግል ጋብሆት ወይቡሰ አካናት እት መፍርያይ ምድር እግል በደሎት ዶር ጀላብ እግል ለሀሌ እሉ ለሀደፉ እስትሰማር ቱ። አሰክ እሊ ሐረሰቶት ለአገሙሉ ለህለው ተመር፡ እብ ሰዳይት ውዛረት ሐርስ ልትህየሎም ለሀሊ እት ገብእ፡ እት ሙስተቅበል ናሶም እግል ልዝርእዉ ወለአትባዝሕዉ ለልአተቅድሮም ድሩሰ እግል ልትህየሎም ቱ።

**ሰኣል፡ አሰክ እሊ ለሀሊ ዒማት አሸትል ተመር ምን አያ ቱ?**

በሊሴ፡ እትሊ መደት ጎ፡ ሕኩመት ምሰል ናይ ዐማር ሰብ ብርክ እት ትትሳዴ፡ እብ ዕምለት ካርጅ ብዝሕት ምን ካርጅ ዲብ ተአመጽኑ፡ እብ አግቡይ ዕልማይ እት ተአትባዝሕ፡ ተመር እግል ልሕረሰ ለልሐዙ ሐረሰቶት ዲቦም ትወዜዕ ህሌት።



እግል እትባዝሕት አሸትል ለሰዴ አግቡይ፡ እግል ሐረሰቶት ለልአከሰብ ወእብ ዕን ምህንተመ ለሐሳ ቱ። ሰበቡ፡ ጀነቲካይት መዓደለት ለዐቅብ ወእት መደት ሐጫር ፍሬ ለልሀይብ ሰበት ቱ።

**ሰኣል፡ ጀነቲካይት መዓደለት ሚ በሀለት ቱ?**

በሊሴ፡ ረቃቅ ወዕልማይት ገበይ እንዴ ትነፈዐ፡ ለነአፈርዮ እተይ፡ አክል-ሕድ ለናዮ አሰል ለመሰል ፍሬ ዶል ለሀይቡ፡ (እብ አዳቃል ቲሹታት አው እብ ውሻዕ ለትዘረአ ተመር በሀለት ቱ።) ጀነቲካይ መዓደለት እንብለ። ለእብ ዘርእ እንወድዮ አትባዝሕ ላኪን፡ እት ደረጀት ፍሬ እግል ልዕቤ አሰክ



ሰማን ሰነት ነሰእ ምንከ። ካልእ ህይ፡ ጀነቲካይት መዓደለት አለቡ። እምበል እሊመ፡ ለተብዐት ወለአንሰት ሐቆላ ሰማን ሰነት ቱ ለልትፈረግ። እሊ ህይ እኩይ ቱ። እት አካነ፡ ዝያደት እት ወራታት ብሐሱ ምን ልውዕል ለሐይሱ። ሐረሰቶት፡ እብ ውሸዕ አውመ እብ ውዛረት ሐርስ ለልትዳሌ እሎም ዘርእ እግል ልትነፍሶ እንመክር።

**ሰኣል፡ ምን መፍፍዕት ተመር ገሌ**

ዐማር ተመር እት ምጽምእ ምድር ሰባት ትገብእ። እግል ባዶብ ህይ ማዮ ወትርቡቱ እብ ውልዋል እግል ኢልትገሌ ዳሬዕ እሊ። ምሰል ወክድ ለጨበል ክም ልትረሸድ ወዴ። እብ ምልሃዮ ሓላት ጀው ናይላ ባካት ሰበት ለአትሓይሱ። እግል ሬሕ ለሶም ክም ልትወጤ ወዴ። እምበል እሊመ፡ እተ ሐንቴላ ዕጩይ ተመር፡ ለትፈናተ ሐምሌ፡ ፍሬታት ወቀመማት እግል ንዝረእ እንቀድር። እብ ብትክት፡ ገማል ተመር እግል ምድር ለይቡሰ እት ሞሉል ወመፍርያይ ትበድሉ። ሐቱ ዕጩይ ተመር፡ እት ክል ሰነት አሰክ 200 ኪሎግራም ለገብእ ሀወእ ክሰኣ እንዴ ከዝነት እት ሸቃይ ነብራሀ (Photosynthesis) ትትነፈዕ እቡ። ተመር እብ ብዝሐ ሸተልን ምን ገብእ፡ እት አትሀድኡት ሓላት ጀው ሐዙቱ ሰኔ ውቅል ቱ።

እት እቅትሳድመ ህይ፡ እት ለዋው በሐር ቀየሕ ለነብር ገቢል፡ ተመር እት መሰለሐት ብዝሕት ለአውዕሉ። እተ ባካት እብ ዕጩይ፡ ቀጠፍ

**ዐማር ተመር እት ኤረትርዮ**



አሰይድ ሙሴ ፍቃዱ

ወከዕሌ ለትሸቀ አብያት ክም ጽላል ልትነፍሶቡ። ተመርመ ምን ክሳር ወኪን፡ ከዕሌሀ እግል ለትፈናተ ዐፍሽ ቤት ክም ተተብ፡ ጀናቢል፡ ሰፊታት ውበዕድ እንዴ ትሸቀ፡ መንበረት ሰካን ዲብ አትሓያሰ ተረት ውቅል ቡ። ዕጩይ ተመር፡ ዝያድ 100 ሰነት ሰበት ጸኔሕ፡ ለኢለአትካርም መፍሬዕ ለሀይብ። እብ ዐቢሁ፡ እግል ብዕድ ብቀል እተ ኢናሰብ አካናት ሰበት በቅል ህይ፡ ዐማር ተመር በዲል ለአለበ ወለይእንጸኔሕ ምኑ ወቀይ ቱ።

**ሰኣል፡ እሊ ኩሉ መሳሌሕ እግል ንክሰብ ናይ ሙስተቅበል ዐማር ተመር እግል ትሸረሕ እግልኩ።**

በሊሴ፡ እት አጥራፍ በሐር ቀየሕ እነቡት ለሀሊ ሸቲል ተመር እንዴ ፈይሐ፡ እት ሰነት 2030-2031፡ እት ምርት ሚልዮን ዕጩት እግል ነአብጽሐ ስታት ሀለ። እሊ ሀደፍ ዶል ልትበጸሕ ህይ፡ ምን ዐማር ተመር እብ ልትረከብ እተይ፡ ኤረትርዮ መትነፈዳይት ወእምር መፍርያይት ተመር እግል ትግበእ ቱ።

**ሰኣል፡ ተመር ዐድነ ወናይ ካርጅ ፈርግ ቡ ገብእ?**

በሊሴ፡ ተመር ዐድነ ወናይ ካርጅ ፈርግ ብዝሕ ቡ። እተ ተዕሸገቱ መሰለን፡ ለናይ ካርጅ ሕቡሉክ ቱ። ሕናመ እሊ ቴክኖሎጂ ነአናቡቱ ህሌን። ዘባይን ክም ቅድረቶም ለልትዛበዉ ቅያስ ሚዛን እሉ ንተበዕ። መጅሁል ወበርሂ ለልትባህል ጠለብ ሱግ ለቡ አጅናሰ ተመር እቡ እንዴ አንበትን፡ እት አርሐቡቱ እንሸቀ ህሌን።

**ሰኣል፡ እት ዐማር ተመር እግል ልትከሰሉ ለልሐዙ ካፍያም ሐረሰቶት ህለው እግልን ማሚ?**

በሊሴ፡ ክሊማ ምን ገብእ ወመካሪት ኤረትርዮ እግል ዐማር ተመር ሰኔ ቱ። ምን ከበሳታት ለደንን ወሓይዝ ጽበጥ ማይ ከርስ ረዝቅ። እት ቅሩብ ቁሪና ቱ ማይ ለትረከቡ። እሊ

ርዝቅነ ላኪን አሰክ እሊ ንፍግም እቡ ይዕል። ፋዩሕ ለዋው በሐር ቀየሕ ኩሉ ተመር እግል ኒዴ፡ ለኪድማይ ሸዕብነ ክም ለዐምሩ አኪድ ቱ። ክምሰልነ ርዝቅ ለአለበን ድወል እተይ ተመር ብዝሕ ጃቅፈ ህለዮ። ሰበት እሊ ነዋቅስ እንዴ ሰይሐነ ሄረርን ምን ገብእ፡ እብ ሐርስ ተመር ክም ንትአመር ሸክ አለብዬ።

**ሰኣል፡ እት ደንበበ እግል ሐረሰቶት ለትሓልፈ ልእከት ምን ብከ?**

በሊሴ፡ እት ዐማር ተመር ለልትከሰሉ መግምለት፡ እብ ዘርእ ለልአትባዝሕዉ ተመር መካሰባይ ሰበት ኢኮን፡ እት ባኩም ለሀሊ መክተብ ሐርስ አው አንፋር ሐርስ ምሰሎም እት ልትጋመው፡ ውዛረት ሐርስ እምጽእቱ ለህሌት አብቀሎት ቲሹ አው ውሸዕ እቡ ለልትባዝሕ ዕጩይ ተመር እግል ልዝርእ እትወሴ።

**ለዘት ፍሬ-ካድም**

**ፍጹ ተመር፡ አካን ቡን ክም ነፊዕ ተአምር ማሚ?**

ይቡሰ ወዋሉል ፍጹ ተመር እብ ነዳሬት ነአፈግሩ። እግል ቡን ሰበት ነፊዕ፡ ለፍጹ እብ አፋነ እግል ነአፍግሩ አለብነ። ሰበት እሊ፡ ለፍጹ እብ ሐጺናይ ብሎሕ ነአፈግሩ። ሐቆሀ ሸመይ ነአናቡቱ ከእንዴ መደድናሁ ነአየብሱ። ሐቆሀ ክምሰለ ቡን እንቀልዮ። እት ሞግእ አውመ ማሸን እንደቅቁ። ቡን ፍጹ-ተመር፡ አገድ ሰበት ትረውዛ፡ ክመ እት ቡን እት ጀበነት ክም ሴምናሁ፡ አሰክ ሳልሰ እግል ንሰተዮ ይእንቀድር። ሰበት እሊ ቡን ፍጹ-ተመር እት እንወሰክ አውመ እት ግራብ ብዕድ እንዴ አፍላሐነ ከንሰቱ እንቀድር። እሊ ቡን ተመር፡ ምን ካሬን ሕር ሰበት ተ ሰካብ ኢትከልእ። እብ ለትፈናተ ቅዝአት ክም ዜድ፡ ካርባይድሬት፡ አሚኖ አሲዳት ወፕሮቲንመ ታጅረት ቱ።

**እብ ውዛረት ሐርስ ለልዳሌ ዓመድ ቅዝእ ለበ ሙነት፡ እግል ክሉ ወእት ክሉ!**



## እግል ሚቱ ግሳየት ውላድ አስየ (ግሳይ ተረቅብ) ስኔት ተለልትበህለ?

ግሳየት እብ ተረቅብ 'ግሳየት ውላድ ኤሰየ እት ትትበህል ትትሰሜ። ምናተ ግሳይ እብ ተረቅብ እት ገሌ ክፋላት ዓለም ልሙድ ቱ። መሰለን እት አርባ፣ ጃፓን፣ ቻይና አፍሪቃ ውበዕድ ድወል እምር ቱ። እሎም ሸቡ እሎም እት አምዕላይ መንበረቶም በህለት ነብረ እት በልዩ፣ መዋሰላት እት ልትጸበር፣ እት ከምሰልሁም ምሰል መልሀምም እግል ልትሃጀኮ እት ለሐዘ እቱ ወክድ እብ ተረቅቦም ልትገሰው።

ቁድረት ሐረካት ገርብ እለ ግሳየት እለ ቀዳር፣ ምሰል ዓፍየትን ሚ መትጸባ ቡ ገብእ ለልብል ሰኣል ምን ለአትብግሶ ሐድ ኢወደው። እግል ሚቱ ገሌ አንፋር እምበል መሻክል እብ ተረቅቦም ልትገሰው ወእምበል መሻክል ቀንጾ? ምናተ ገሌ እለ ግሳየት እለ እግል ልትገሰው ቅድረት ልሰኦ። እለ ግሳየት እለ ሐቱ ምን እግል ገርብ ለነፍሶ ሐረካት ገርብ ቱ። እለ በሐሰ ለወደው ቁድረት፣ እለ ግሳየት ምልክት (ተዋዘን)

ገርብ እግል ለህሌ እግል፣ ክምሰልሁም እት አንቀሶት መጸት ዔጸት ሲድያይት ክምተ ወእብ ፍንቱይ እግል ደገልል እምበል ሰዳይት ብዕዳም ክም ምራዶም እግል ልትሐረኮ ክም ሳዕዶም ውድሐ። አጀኒት ነኣይሽ ሓጀት ዶል ወድቅ ምናም እብ ተረቅቦም እንዴ ትገሰው እግል ለህሩሰ ምሽክለት አለቦም። እለ ለገብእ እቡ ሰብብ ገርቦም ከፊፍ ሰበት ገብኦ መባትክ ገርቦም ምሰል ዐባዩ ልትመጣወር እት ህለ ልትፈናጅ።



እት ነሐይ እቱ ወቅት እት ክርሲ ውቁል ንትገሰ ወእት ምሰትራሕመ ባዞ ውቁል ንትገፋዕ። እብሊ ህዩ እት አምዕላይት መንበረትን ቅድረት እለ ግሳየት እለ እት ትነቅሰ ትመጽእ። ምሰል ወቅት ህዩ፣ ገርብ ክም ምራዱ እግል ልትሐረክ ለህሌት እሉ መቅደረት እት ነቅሰ ትመጽእ።

## መሻክል ሕዲን ውላድ ተብዕን ለበ ዱለት



እት ቅብለት ለህሌት ላቲቭየ እት ዓለም ለትወቀለ ለኢትመሳዋ ዐደድ አዋልድ ውላድ ተብዕን እንዴ ትበህለት ሰጅልት ህሌት። እለ እት አሰሶት ዓኢለት መሻክል ካልቅ ልትረከቡ፣ እት ላቲቭየ ዐደድ አዋልድ ምን ውላድ ተብዕን እብ ሐድ 8 ምእታይት ዘይድ። እብ አሳሰ


እለ ህዩ፣ አዋልድ ክመ ህተን ለልሐዝያሁ እናስ እግል ልርከበ ክም ኢቀድረ ልትሀደግ። ሰብብ ናይ እለ መሻክል እለ ህዩ እት ውላድ ተብዕን ለሳድፍ ምን ዐደድ ወለዐል ሞት ክም ቱ ዑለማእ ሸርሐ። ሰብብ ናይ እለ ሰደ ለሐልፈት ሞት ዶል እንርኤ ምን ዐደድ ወለዐል ስታይ ከምረት ወአትነፍት ሰጅርቱ። ሕኩመትለ ዐድ ዓፍየት ወመንበረት ውላድ ተብዕን እግል ተአትሓይሰ ለትፈናተ መምሬሕ ምንመ አፍገረት፣ አስክ እለ ተቅዩር ርኡይ ኢህለ።

## እግል ከላዊ ለልክዙ 10 ለመድ



1. ካሬ ራሻይ ኢንሰኦት፣ ማይ ካሬ ሐቆ ኢሰቴነ ከላዊን ምን ገርብ ለኢለትሐይ ረሳሰሕት እግል ኢልፍገር ክሬዕ። እለ ህዩ ለርሰሐት እት ክልኦትን ትትአከብ ወኤዝያይ ገብእ።
2. ክርዐት ሸን ማይ፣ ሸን ማይ እት ትመጸነ እቱ ወክድ እግል ንጽብጦ ኢወጅብ፣ ሰብብ ለሸን ሐር እት ክልኦትን እንዴ አቅበለት መደረት እግል ትሰብብ እትን ቀድር።
3. ብዙሕ ዐደድ ጩወት ለብእት ነብረ ንሰኦት።
4. ስታይ ቡን፣ ጽምአም እት ህሌነ በደል ማይ፣ ቡን ዶል እንሰቴ ደቅዋ ደምን ወስክ ወክልኦትን ትትአይ።
5. ሕቡብ መጸጸት እብ ኢገቡዩ ነሰኦት፣ እግል ቀሊል ላቱ ወጃዕ ሕቡብ መጸጸት ንሰኦት ክቡድ መሻክል ከላዊ ሰብብ።
6. ከምረት ብዝሕት ሰትየት፣ ምን ዐደድ ወልዐል ከምረት ሰትየት መሻክል ከላዊ እግል ልሰብብ ቀድር።
7. አትነፍት ሰጅይር፣ አትነፍት ሰጅይር ዲብ ከላዊ እግል ልብጻሕ ለወጅብ ዐደድ ደም ሰበት ነቅሰ እግል ተአትካርም ወጅብ።
8. ሓረካት ገርብ ውድየት፣ እት አምዕል 30 ደቂቀት እብ እገርከ ግያሰ እት ዓፍየት ከላዊክ ሰኢ ተቅዩር እግል ለአምጽእ ቀድር።
9. ስካብ ካሬ ኢረኪብ፣ ስካብ ምሰል ከላዊ ልትጸበፍ፣ ስካብ ካሬ ሐቆ ኢረኪብክ ከላዊክ እብ ሕግላን ዕርፍ ምድረት እግል ትጅሬ እቱ ትቀድር።
10. ስከር ለበዝሐ እቱ ነበሪት ብልዐት፣ ስከር ብዙሕ እግል ከላዊነ ሌጣ እንዴ ኢገብእ እግል ልብመ መደረት ለአመጽእ እቱ።

## 10 ፍንቲት ስወር ሕዘው



## ገሌ ምን በህል

- “ዲብ እለ እድንዩ ወለሐቱ ዲመ ለትነብር ሓጀት ኢህሌት። ወለ ለሳድፈን መታክል ምሰል ወቅት ለሐልፍ፣ ሰበት እለ ሐቱ ደቂቀት መ ምን ትገብእ ሰኦየት ኢትብተክ”።
- “ኩሉ ትም ለልብል በሊሰ ሰበት ሐግለ እንዴ ኢገብእ፣ ለገብኦት ሓጀት እብ ሰብር እግል ልሕሊፈ ሰበት ሐዛ ቱ”።
- ሐት-ሐቱ ዶል እብ በይንክ ህለየት ሰኢ፣ ሰበብ ህዩ፣ ከፎ ክም መሰል ምን ረይም እግል ተአቅምቱ ሰበት ቀድር።
- ሐያትክ እት ፍክርካት ለትተንከብ ወፍክርክ እት ሕርያንክ።
- እብ ክሰሰ ሐያትክ ብዕድ ነፈር ክእነ ውዴ እግል ሊበለክ ኢትሰመሕ፣ ሰበብ ቴለልክ ምንክ ወልዐል ለልአምር ሰበት አለቡ።
- መጸት ለአለቡ ዐውቴ ይህሉ፣ ሰበት እለ እግል ትትዐወት ሐቆ ሐይክ ተበን እግል ትድፈዕ ላዝምቱ።
- ክልዶል እብ ከሳርክ ኢትትፈከር ወሰኦየት ኢትብተክ።

## ምን ቀዋኒን ሐያት

1. እብ መልሃይክ ትሃጌ
2. መብዝሐ ወቅት አተቃብል
3. ብዙሕ ጀርተም ኢቲበል
4. ዓፍየትክ አውለውየት ሀ'ሳ
5. ምን ርሕክ ብዙሕ ድረሰ
6. ሐሩቀትክ ምለክ
7. ብዙሕ ኢትፍረህ ወልወቅ ግበእ
8. ምሰል ኩሉ ሐብር ግበእ

## ኢትዮጵያውያን

- ሐግል ሐቆ ገብአክ ምሳሌ ራክብ ኢትዮጵያውያን አውመ እብል እለ ብክ እግል ተአግኜዕ ብእትኩ፡ ሰበቡ ህዩ አውመ ለሐግላንክ እግል ልትኬለም ቱ፡ አውመ ሕሸመትክ እግል ትሰላን ወእኩትክ እግል ትትመክረህ ቱ።
- ምሳሌ ለልትሐሚመም ነፈር ኢትዮጵያውያን፡ በህለት ምሳሌ እለ መሰል ነፈር ዶል ትትመሳኔ አው እግል ትትመምቱ አውመ ህዩ ሐግላን እግል ልውረሰካ ቱ።
- ምሳሌ ብዙሕ ለጠሬዕ ነፈር ኢትዮጵያውያን፡ ሰበቡ ህዩ ለምኑ ጠሬዕ እክ ህለ ተዋልል እግል ልዕዳ እትካቱ አውመ እግል ምርት ምን ዐኢላትክ

- እግል ልጽበጥ ቱ።
- ኢፋሎታይ አፍካር ለቡ ነፈር ኢትዮጵያውያን፡ ሰበቡ እለ ህዩ ህቱ አከይ ፍክር እግል ለንዳ ዲብካቱ አውመ ህዩ እት ብዕዳም አከይ ዘን ክም ለህሌ እግልክ እግል ሊዳካ ቱ።
- ምሳሌ ሀመት ወሸቀሌብ ለወዳ ነፈር ኢትዮጵያውያን፡ እንታመ እተ ክምሰልሁ እት ሀመት እግል ትትከሬቱ አውመ ህዩ እት ደለ እግል ትንሰኡ ለተሐዘ ቀራር ሸክ ክም ትውዴ እግል ትግበእ ቱ።
- ክል ዶል ለለግፍት ነፈር ኢትዮጵያውያን፡ ህቱ እት መሻክል አውመ ህዩ እት ነፃየት ለአለቡ በአሰ ወፍንገር እግል

- ልክሬካ ቱ።
- ጃህል ኢትዮጵያውያን፡ ህቱ አውመ እት ሰጅን ከሬክ አውመ ለእለ ትውዴ ወእለ ተሐድግ ክም ትትቀዌ እትክ ወዳክ።
- ሰምዐት ብዕዳም ለለህትክ ነፈር ኢትዮጵያውያን፡ በህለት ሐቱ ምን አከይ ሰምዐት ናይ እሎም ለእሎም ለሀድግ እግልክ ህለ እግል ትጽበጠካቱ፡ አውመ ህዩ ምሳሌ ብዕዳም እንዴ ገብአ ሰምዐትክ እግል ልጀግልብ ቱ።
- በዐል ቀጠዐት ኢትዮጵያውያን፡ ቀጠዐት ዓማት ሐግላን ሰበት ተ እግል ትትገል ቱ፡ አውመ ህዩ ምሳሌ ምርት እት ለኢተካትሐዘክ ናይ ንፋቅ ምሸክለት እግል ልክሬካ ቱ።
- ምሳሌ ረሕመት አለቡ ኢትዮጵያውያን፡ ምሳሌ እለ መሰል ነፈር ዶል ትትመሳኔ፡ አው እት ጀሪመት ትትከሬ አውመ ህዩ ረሕመት ክም ተሐግል ትገብእ።
- ረሸወት ለልትክበት ነፈር ኢትዮጵያውያን፡ ህቱ ክም ሀድግት እንዴ አተምሰሰ ሐራም ክም ትትክበት ወዳክ፡ አውመ ህዩ ገበይ ሐራም ለአጠፊሕ እግልክ።
- ምሳሌ ክፍፍ አፍካር ለልተሌ ነፈር ኢትዮጵያውያን፡ ህቱ አው እለ ናይ አፍካር ክም ትተሌ ወዳክ አውመ ህዩ ለራቲዕ አፍካርክ ክም ትክሐድ ወዳክ።
- ምሳሌ እግል ድራሰት ወዕልም ለሐድግ ነፈር ኢትዮጵያውያን፡ እለ መሰል ነፈር ዶል ትታሌ እት ዕልም ለዐለት እግልክ ሸንህት ሰበት ትደበእ ጃህል ትገብእ።

## ምን ሀገገቱ ዓልም ክልበርቱ ኤንሰታይን

- ለገብአ ግሉል እግል ለአምር ቀድር፡ ምናተ ለለአትሐዘክ ፈሀም ቱ።
- እትሐሰብ ወእትሐሰብ አዋሬሕ ወሰኖታት እውዴ፡ ፈገሬትለ ሕሳብዬ ሰዐ ወሴዕ ዶል ቀለጥ ትገብእ፡ ነፍሰዬ እት ሰዋብ ለትጸንሐኒ እቱ ወቅት ሐቱ ምን ምእት ሌጠ ገብእ።
- መትዐላም በህለት አመርትለ አማን ኢኮን፡ ህቱ አትለቡት ዐቅል ዲብ ተፍኪር ቱ።
- እት መድረሰት ለትትክበቱ ተዕሊም ወዘፈት ለሀይብኩ፡ እብ ናሰክ እግል ርሕክ ለተዐልሙ ተዕሊም ህዩ ዐቅል ለአተውዳክ።
- አነ እግል ክሎም ኢፋልን እለ ላተ ደእንወድዮ እግልክ ለበለወኒ እግል ሐምዶም እፈቱ፡ እብ ሰበቡም ቱ ማሚ ለጋሪትዬ እብ ናሰዬ ለወዳክወ።
- ለፍክረት እግል ምርት ወድ ሰሰ ሰነት ላቱ ጀኔታይ እግል ትሸረሐ ሐቆ ኢትቀድር፡ እንተ ናሰክ አሰክ እለ ፍሀመ ይህሌክ በህለት ቱ።
- እት ፍንጌ ዐቅል ወመግለል ለህሌት ፍንጌት፡ ዐቅል ሕዱድ ሰበት አለቡቱ።

## በሀል

- ተርጀመት ምሰንዮት፡ አነ እብ ናሰዬ እግል ገሌ ምን ሕሸመቼ እግልክ አማንትካቱ እንዴ እሴ ዶል ሀይብካ ቱ።
- እዲነ ኢተአዕተዝር፡ ክምሰል ኢተአምረክ ግራሀ እንዴ ሀበተክ ተአሴርር፡ ምርት ደርሰ ተሀይብክ ከኖሰክ እግል

- ትፍሀሙ እብ በይንክ ተአዝም ምንኩ፡ ብዙሕመ ረሕመት አለቡ፡ ምናተ ብዙሕ ተአድርሱ፡ ወምኒን ለተአትሐዘክ ህዩ እግል ነኡተላሌ ሌጠ ብዲብኩ።
- ዲብ ገሌ ሰንዐት ለሐሰክ እግል ትግበእ ትትሸንህ፡ እለ እግል ልግበእ ለቀድር ጋር ቱ።

## ልግብ

### በክት ወመንጥቅ

ክልኦት ነፈር ዐለው። ለምርት ስሙ መንጥቅ (ሎጂክ) ልትበሀል፡ ወለካልአዩ በክት ልትበሀል ዐለ። እሎም ክልኦት ነፈር እብ ዐረብዮት ምሳሌ ሳፈረው፡ ከእት ምግብለ ገበዮም እት እንቶም ለዐረብዮቶም ጃዝ አክለሰት። ምድር እንዴ ኢመሴ ዲዎም አካን ምምያይ እግል ልዲር ለገበዮም እብ እገርም እግል ለአትሙመ ጀራረበው፡ ምናተ ኢትዐውተው።

መንጥቅ እግል በክት ንሰከብ እግልነ ወሐር ምድር ክም ጸብሐ ለገበይነ ነኡተላሌ ቤለዩ። መንጥቅ እት ባክ ሐቱ ዕጩት እግል ለአክርር የመመ፡ በክት ህዩ እትለ ምግብለ ሻሬዕ እግል ልሰከብ ነው። መንጥቅ እለ ክም ሰምዐ እብ ደሐንክ ገብእ ይህሌኩ፡ ነፍሰክ እብ ኖሰክ እት ብቆት እግል ትክረዩ፡ ምን አመረ የምክን ዐረብዮት ትመጽእ ከምን ትከይደክ ህዩ ቤለዩ። በክት ክም እለ እት ልብል በልሰ ዲቡ፡ እትለ ምግብለ ሻሬዕ ሌጠ እግል እሰከብ ቱ። ምን አመረ የምክን ዐረብዮት ትመጽእ ከእንዴ ረኡተኒ ምን እለ ዲብ ህሌነ ሙሽክለት ተአድሕነ! ወእብላህም መንጥቅ ሐንላ ዕጩት ለአክርር እት ህሌ፡ በክት እትለ ምግብለ ገበይ ሰክበ። ሐቆ መደት ሳዕት ዐረብዮት ዐባይ እብ ሸፋግ እት ትሰዴ መጸት፡ ከዲብለ ምግብለ ገበይ ነፈር ክም ረኡት እግል ትብጠር ምን ጀራረበት ኢቀድረት፡ ከእግል ነፈር ኢተኪድ ምንለ ሰከት ሸንከትለ ዕጩት ምን አወለጠት እግል መንጥቅ ኬደት ወእሉ ቆትለት ወበክት ደሐክ።

ከእዲነ ክምሰልሁተ፡ በክት ሐትሐቱ ዶል ወለ እግል መንጥቅመ ልካልፍ እትኢኮን፡ ቀደር ሰበት ቱ። ናይ ሐዘት ዐባይ ቱ። ከምን አመረ ምን ኬር ትሰኡ እቱ ለዐልክ ሰፈር ዶል ትትኦክር - አውመ በርከት ትሰኡ እቱ ለዐልክ ህዳይ ምኑ ዶል ትትመነዕ - ወእብ ሸንህት ውቅልት ትታከዩ ለዐልክ ጀነ ዶል ትሰኡን - “ወዐሰ አን ተክረሁ ሸይኡን ወሀው ሸይፍን ለኩም” (እለ ለእለ ተአቡ ህሌኩም ጋሪት፡ ምን አመረ እግልኩም ለተሐይሰመ ትገብእ ኢኮን)፡ ምን ኬን ሕጃብ ለህሌት ህቱ ሌጠ ለአምረ። ክእብለ አመተን ለየዐለት እግልክ ተዋልል እበን ብዙሕ ኢትትሻቀል፡ ወረቢ ቤለዩ ምን ገብእ ህዩ እግል ኬርካመ ትገብእ ኢኮን።



## ምን እግራ ገዳቱ ታሪክ ዐደን ምህማቱ ላቱን ዕለታቱ

- 1975 (ዲሰምበር) ቅዋት ታሕረር ሸዕብዮት እግል ዲሸ አቶብዩ ዲብ መዐረከት ዐንሰበ ፈለቱ።
- 1977 (23 - 31 ጃንዋሪ) ቅዋት ታሕረር ሸዕብዮት ሰልፋይ ሙእተመረ አትጋዩሰት፡ ሰምለ ተንዝም ህዩ ጀብህት ሸዕብዮት ታሕረር ኤረትርዮ ትበሀሉ።
- 1977 (ጃንዋሪ - ጁላይ) ጀብህት ሸዕብዮት ምን ቀርራ አሰክ ከረን ለህለዩ ምድን ሐቱ ክአሰር

- ከአሰር ሐቱ ክለን ሐረረትን።
- 1977 (ጃንዋሪ - ኦገስት) ጀብህት ተሕረር ኤረትርዮ እግል ምውዳቅ ጸሕይ ኤረትርዮ ወምዴርዮት ሰራዬ ሐረረትን።
- ሸዕብዮት ምን ቀርራ አሰክ ከረን ለህለዩ ምድን ሐቱ ክአሰር ሐቱ ክለን ሐረረትን።
- 1977 (ጁን) ቅደደት ጀብህት ታሕረር ኤረትርዮ እግል እብ (ፋሉል) ለትትአመር እት ቀበተ ለቀንጾት ሐረከት ወርኬተ።

## ተበሰም ዐዘመት

ምርት ዐረብዮቱ ትሰረቀት። አምዕል ሓሪት ተማም ሕጽብት ወዘፈት እት እንተ እተ አካነ እት ትበጥር ረከበዩ። ፈትሐዩ ክምን አቅመተ ጀዋብ ክፍይ ረከ። ለጀዋብ ፈትሐ ክምን ቀርአዩ፡ “ኢትጽበጥ እቼ ለውዳዩ ሰኒ ለአትአሰፈኒ፡ እሴቼ ትምሕጽ ዐለት ወዐረብዮት እበ ሕክምነ አበጽሐ ሰኡንኩ ከእሳ ቱ ለዐረብዮትክ ነሰኡ። መሕገዝ ወዳኒተ ዐፌ ምንዩ፡ ወእለ ዐዘመቼ እግል ትትክበት ምንዩ እሰኡ። አነ ሰበት ዐገብኩ እግል ትሳምሐኒ ሰነመት እግል ትርኤ ግዝምክ ህሌኩ። ወእለ ተዛክር እግልክ ወእግል ዕድልካ ቱ” ልብል ዐለ። ለእኖሰ ምን ክትር ፈርሐት ምን ዕንታቱ ትዘራ ለዐለት አምበዕ እትማሰሰ ክም እለ ቤለ፡ “ዶሪይ እለ እዲነ አሰክ እለ እብ ኬረ ሌጠ ህሌት።” አምዕል ሓሪት ህቱ ወዕድሉ አሕድ ከምክመው ወተዛክርም እንዴ ነሰኡው ፍልም እግል ልዕፈው ሰነመት አተው። ዶል ለዐድ አቅበለውተ ቤቶም እንዴ ትሰረቀት ጸንሐቶም፡ ወእተ ጣውለት ጀዋብ ክፍይ ጸንሐቶም። ለጀዋብ፡ “እንሻለ ለፍልም ሰኒ ዐጅቤክ ማሚ?” ልብል ዐለ።





## ምን ጀራይም አንዘመት አቶብዩ ዲብ ኤረትርዩ

ክምሰለ ዲብ ታሪክነ ውሱቅ ለህለ ሽቦብ ኤረትርዩ እብ ሰቡብ አከይ መዋዳት መስተዕምረት ዲብ ረአሱ ለጀረ ጀራይም ቅደስ አለቡ። እሊ ህዩ ታሪክ ጀራይም እስትዕማር ለአትሐዘ እቡ ሰቡብ ዲብላ ሐልፈ ታሪክ መእከይ እግል ነቢር ወድመል ወእቢ እግል ልሰበቅ እትክ እንዴ ኢጉብእ ምን ምህር እንዴ ከሰብክ ኢፋሉታይ ታሪክ እግል ኢልደገም ፈሀም ወፈዛዕት ጀላብ እግል ለህሌ እንዴ ትብህላ ቱ።

ሽቦብ ኤረትርዩ ጀላብ ሐቅ ወሚራሱ እት ልብል ዲብ ረአሱ ለጀረ ጀራይም ፈቂድ እግል አግማም ሐዲስ ታሪክ እግል አሰአሎት ቱ። ሰቡት እሊ ሽቦብ ኤረትርዩ ዲብ ዘበን እስትዕማር አቶብዩ ለጀረ እቱ ጀራይም እሊ ወሎሂቱ እንዴ ትቤ እግል ትጌምሙ ወትቀይሱ ለልትቀደር ኢትን። እብ ርሳሱ እብ ጀረድ እብ ቀዘፍ ጥያራት እብ አልቃም እብ ዕንታቱ ዲብ ልርኤ ወሰሚዕ እንዴ ረፍዐካሁ ዲብ እሳት አተዋት ምን ርኡይ ወሰሚዕ ጀራይም መስተዕምረት አቶብዩ ለዐለ። ዝያደት ክሉ ህዩ ዲብ ሐቱ አካን እንዴ ጀምዐካሁ እብ ሰለሰል ደባብ ዲብ ሃጨቆት ወእግል ዐመሲ እብ ጀረድ ዓቀቆት ምን እብ እስትዕማር አቶብዩ ረአሱ ሽቦብ ኤረትርዩ ለጀረ ጀራይም ቱ።

በገ 20 ጁን ዲብ ክል ሰነት፡ ለቃልየት አምዕል ሹሀዳን እንፈቀድ ወንዘከር ዲብ ህሌ፡ ለጀላብ ሕርየት ወእስትቅላል ክምሰልሁ መ ሰያደት ወጠን ለትቤዘው ፍራሱ፡ ለእብ ሰላም መናበረቶም ዲብ ሳይር ዲብ ክል አካን እብ ጀራይም እስትዕማር ለትቀተለው ምዋጥኒን፡ ለዲብ አሰጃን እብ አሰላክ ለትሻክቀ ወእብ ጅምለት ለፈንው ኤረትርዩን ለእንፈቀድ ወንዘከር እተ ቃልየት አምዕል ቱ።

ምን ብዙሕ እብ ሽልገት እብ ትመሰል ዲብ ረአሱ ሽቦብ ምን ጀረ ጀራይም እስትዕማር ዘከር ምህም ቱ። ንጉሰ ህሌለሰላሴ ዲብ 50ታት እግል ቢንቶ መረብ እንዴ ተዐደ እግል ቀደም ለሃመ እምበል ንዮት ሽቦብ ኤረትርዩ ቅሩር ለዐለ ናይ ሰሜት ሕክም ፈድራሊ እንዴ አፍረሱ፡ ኤረትርዩ ምድረ ዲኢትን ሽቦብ ኢለአትሐዘ እት ልብል ወለአትሳቅር እግል ዲብ 60ታት እብ ፍንቱይ ህዩ ዲብ ሰነት 1967 ዲብ ረአሰላ ላዴሕ ሽቦብ ዓይለት ወገምሆት፡ ዐድ አብርሂም ውበዕድ አካናት ክምሰልሁ መ ዲብ ሰነት 1970 ዲብ ረአሰ ሰነት ብሲክዲረ፡ ዮ፡ ገሌብ ወሀበር ወለመሰሉ ለጀረ ጀራይም አንዘመት አቶብዩ ምን እግል ልትረሰዑ!

ዲብ ለትሕረክ እተ ዐድ ልብዘሕ ወልውሐድ ለጀረ ጀራይም ህሌ፡ እብ ሰቡት ጀራይም እስትዕማር ዐደታቱ ተረግ እንዴ አበለ አስክ



አባይ ሽቦብ ጀላብ እግል ለርዕቡ፡1965 ዲብ ከረን ለሳቀለዮም ሹህደ

ዐለዮ ለሀርብ እብ አምእት አላፍ ለልትዐለብ ሽቦብ ኤረትርዩ ለጀረ ጀራይም ጌዳን አለቡ። እሊ ህዩ ምር ምን ለኢልትረሰዕ አባይ ለሐድገዮ ቱ።

እብ ፍንቱይ ዲብ 70ታታት አባይ ህዩ ዲብ ሰነት 1975 ዲብ ረአሱ ሽቦብ ኤረትርዩ ዲብ ክል አካን ለጀረ ጀራይም መ አተላላይ ናይለ ንዘም ህይለሰላሴ ዲብ ንዘም ደርግ ለተለፈዮ አው ለአውረሰዮ ታሪክ ቱ። ገሌ ምን ዲብ ሰነት 1975 ዲብ ረአሱ ሽቦብ ኤረትርዩ ለጀረ ጀራይም ምን እንረኤ፡ ለዲብ ዮም 31 ናይ ሐቱ 2 ሰነት 1975 ለአሰብደ እብ “ነዐር አሰመረ” ለልትአመር ወቅት፡ እብ መናበት ናይለ ደዓም ዲብ ሰነት 2025 እግል ዝክረት 50 ሰነት ዲብ ረአሱ ላዴሕ ሽቦብ ለጀረ ጀራይም እግል ትፍቀድ ላብድ ቱ

እግል እሊ ህዩ ዲብ ዮም 8 ናይ ወሬሕ ክልኤ ሰነት 1975 ሳዕት 10። አዳሕዮት ምናድሊን ቅዋት ሽቦብየት ሰለሕ ወርሳሰ ምን አዲስ አበባ እንዴ ጸዕነ መጽእ ለዐለየ 25 መካይን፡ ፍንጌ አሰመረ ወደቅምሐራ ዲብ ከቢን እንዴ አተው ደመረው ወብዙሕ አሰለሐት ሰልበው ምን። አክል ሕድ እትለ አምዕል እለ ምናድሊን ቅዋት ሽቦብየት ወጀብህት ተሕሪር ኤረትርዩ ዲብ ረአሱ መዐስከር ቃኘው ናይ ሕበር ህጃም ወደው። ዐሳክር ደርግ ህዩ መርባት ናይለ ጀረ እቱ ደማር እግል ለአቅሰን ጀራይሙ እት ረአሱ ሰነት አሰመረ ወባክተ አጅረ።

ሽቦብ አሰመረ ዲብላ አወላዮት አምዳላት ናይ ወሬሕ ክልኤ ሰነት 1975 ዲብ ሽቀላት ወወርጠት ትርድት እሰሙን ዐለ። ገሌ ምን ምሰል ምናድሊን ልትሓረቦ ለዐለው ኤረትርዩ ዐሳክር ኮማንዶሱ፡ “ሽቦብን እብ ሦር ሰውራዊት በዴ ህለ” እንዴ ቤለው ናይ ዴደማን መራክዞም ተረግ እንዴ አበለው እብ ክምኩም እብ ሰዐይ አሰመረ እንዴ አተው፡ ምሰል ሦር ሰውራዊት ዲብ አከይ መቅርሕ አተው። እብሊ ሰቡብ እሊ ህዩ፡ ጃሽ አባይ ሰቡት ፈርህ፡ ለቱለል ሽቦህ እግል ለሃድኡ ቀድረ። ሐቅ እሊቱ ለለሽዐልል ጀረይም እሊቱ እግል

ንዘም ተረግ እንዴ አበለው፡ አስክ ሚዳን ለፈግረው ወእት መሞር ምናድሊን ሐምም ለተዐንደቀው ወሰልሐም አስክ ንዘም እስትዕማር ለወጀሀው።

ወሬሕ ክልኤ ናይ ሰነት 1975 አሰመረ ዲብ ታሪክ ለትኬለመ ጀራይም መስተዕምረት አቶብዩት ለረኤት እቱ ወክድ ዐለ። ዐሳክር ደርግ ህዩ እግል ዲብ ድዋራት አሰመረ ለህለ ዐደታት ምሰል ምናድሊን ትትዓወኖ ህሌኩም እንዴ ቤለ ዲብ ባካት አሰመረ ለህለ ደገገት እሊ ለኢልትብህል ጀራይም አጅረ እቱ። ገሌ ምን ደገገት ዐዲ ቅንዶ፡ አብያተ እብ ተማሙ አንደደዩ፡ ዲብ ዐዲ ባኻኻይ፡ 55 አንሰ ወአጅኒት ክምሰልሁ መ ደገልል ለብእቶም ምዋጥኒን እብ ሕበር ለሬሽነው እቱ ሐደሱ ሐድ አምሳል ምን ጀራ ለዐለ ለለሽዐልል ጀራይም ጃሽ አቶብዩ ቱ።

እሊ ናይ ወሬሕ ክልኤ ሰነት 1975 ሐርብ ዲብ አሰመረ ወድዋራት ዲብ ረአሱ ሽቦብ ለጀረ ጀራይም እህትማም ወሳእል እዕላም ዐለም ሰቡት ሰሐቡ፡ እግል ንዳል ሽቦብ ኤረትርዩ ድድ እስትዕማር አቶብዩ ወደሐዩ። እብሊ ህዩ እግል መትአማር ሰውራት ኤረትርዩ እግል ለዓብዩ ቀድረ። ንዘም ደርግ እግል ሽቦብ እብ ፍርህ ወርዕብ እግል ለአተብርኩ ለወደዩ ፋዩሕ ጀራይም እብ ድድለ ሐሰብዩ ወመሰኢት ለወደ እቱ ፍገራት ብዕድ ተጠውራት ወልደ።

እሊ ህዩ እግል ዐሽም ሕርየት ሽቦብ ኤረትርዩ እንዴ ወቀሱ፡ አላፍ ኤረትርዩ ሽቦብ ዲብ ንዳል ኩፈሕ መሰለሕ እግል ልትሓበር ገበይ አርሐ። እብሊ ህዩ ዲብ ግርባት ሰነት 1974 ለአሰተብደ ወዲብ ሄልለል ሰነት 1975 ለአተላላ እብ ዶልዶሉ ዲብ ረአሱ ሽቦብ ኤረትርዩ ጀራ ለዐለ ጀራይም ለአዋሐረዮ ሽቦብ ዲብ ክልኤቱ ተናዚም ዝያድ 10,000 ሽቦብ ክምሰል ናድሎ ገብአው። መብዘሐም እሎም ሽቦብ ምተሐት 20 ሰነት ለዓማርም ምን ክሉ መዳይን ኤረትርዩ ወአቶብዩ ክምሰልሁ መ ምን ብሩር ለመጸአው እት ገበኤ፡ ለበዘሐው ምናም ደረሳ

ካልኢይት ደረጃት ዐለው።

ምን ጀራይም አቶብዩ ዲብ ረአሱ ሽቦብ ኤረትርዩ ለገብእ እተን ዕሎታት አው ሰኖታት፡

- ሰነት 1967 ጀራይም እስትዕማር እት ረአሱ ሽቦብ ዓይለት፡ ግምሆት፡ ዐድ አብርሂም፡ ሀዘም ወዐድ እኩድ

- ሰነት 1971 ጀራይም አባይ እት ረአሱ ሽቦብ ሃበር (ድጌ እት አትብ)

- ሰነት 1974 ጀራይም አባይ እት ረአሱ ሽቦብ ኡምሐጀር

- ሰነት 1983 ጀራይም አባይ እት ረአሱ ሽቦብ እምበሀረ

- ሰነት 1985 ጀራይም አባይ እት ረአሱል ዲብ ሐንቱ ጀብህት

ሽቦብየት ክቱል ለዐለ ሽቦብ መዐስከር ሰለሙን ዐሬርብ።

- ሰነት 1986 ምን ቶከር ዲብ ሳግም ዲብ ዐሬርብ ሓድራም ለዐለው ሽቦብ ለጀረ ጀራይም

- ከሚሰ 26/11/1970 ጀራይም ዲብ ረአሱ ሽቦብ ብሲክዲረ

- ጅምዐት 27/11/1970 ጀራይም ዲብ ረአሱ ሽቦብ ዮና

- ጅምዐት 31/01/1975 ጀራይም ዲብ ረአሱ ሽቦብ ወኪድባ

- ሰንበት ዐባይ 09/03/1975 ጀራይም ዲብ ረአሱ ሽቦብ አቐርደት

- ሰንበት ዐባይ 06/04/1975 ጀራይም ዲብ ረአሱ ሽቦብ ሕርጊጎ

- ከሚሰ 12/05/1988 ጀራይም ዲብ ረአሱ ሽቦብ ሽቦብ።

## ምን ቱ - ጸጋይ

ጸጋይ ጽዱቅ አማንቱ - ለዲመ ለህይብ ወፈንክ  
ጸጋይ ለብዘሕት ለሐሰብ - ሽግር እግል ልሸንክ  
ጸጋይ ለሀብኩ ኢልብል - እንዴ ጎርት ወደንክ  
ወጸጋይ ለባይት ለአደርር - ወጽሙእ ላቱ ለሕንክ።

ጸጋይ ለገጽክ ልርኤ - ከለትግቢትክ ልፍህም  
ጸጋይ ጨቅም ከለህይብ - ደይ ገካላ ለደርህም  
ጸጋይ ጥላድ ኢለዐለብ - ጋን ወአዶፍ ልርሕም  
ወጸጋይ ለአመብል ሳንድ - ወጠሰሰ ግለ የታይም።

ህያብ ለጸጋይ ማጥዮ - እደይ ሕንዛም አክበዳ  
ለእድሁ ትክሬ እት ቀዳም - ውሓር ለአዘ ትወለዳ  
ደበሰ ለህይብ ግል ግቡእ - ወጽምብል እግለ ሀዳ  
መደት ለሀዩ ጸጋይዲ - ለህያብ ምኑ ትለመዳ።

ቡሉሕ ለእድሁ ትማጤ - ንኢሽ ተህይብ ወዐባይ  
ወቡሉሕ ለፈኩ ኢልዐልብ - ወኢልሐሰሰ ዲብ ዕዳይ  
ታክያት ድጌ ዳምርቱ - ልትጸባር እብ አኖካይ  
ርሐም ምንዲ ልትሐገል - ወኢትነበረ ለሞዳይ።


በኪል ውሕር ልቡሎ - ወኢልትአየሰ ግል ካይን  
ለገሌ ለህያብ ደዋሁቱ - ክም እበር ወለ ከናይን  
ክምለ ወነሰ እግሉቱ - ማጤ እንዴ ኢለአትዋይን  
ወክምለ ወሰ እግሉቱ - ኢልብሕሰ እቱ ወኢታይን።

ውሕር ለእድሁ ተአቤ እሉ - ለህያብ ገኖሐ ክም ተልገ  
ወርሐም ለዲመ ማጤ - ኢተሀከ ወኢመሸገ  
ጸጋይ ለህይብ እብ አመል - ለሐበን ወሕሸመት ትሰርገ  
ንሳሉ ልብል እንክኖ - ወዘዐቱ ለእዴ ትሸፍን።

እዴ ጸጋይ ጥልቅት - በዲር ሓልፈት መሰለ  
ወውሕር ማል ጸሩ በቅቅ - ክም ምን ጃቡ ተሐንፈሊ  
ርሐም ፈሬሕ ግል ህያብ - ክምለ ጸሩ አቅለለ  
ወውሕር ለእኩይ አመሉ - ምን ቀዳሙ ኢበደለ።

ጸጋይ መደት ልምቀእ እሉ - እግል ልማጤ ወለሀብ  
ለሐበን ህቱ በድርቡ - ክምለ ጸሩ ወከተብ  
ሰሚት ብእቱ እት እዲነ - ለፈኩ ዲመ ልትዐለብ  
ወአጅር ረክብ አኪረ - ለዐመሉ ሳልሕ ልትከተብ  
ለሰን ጌዳን አለቡ - ወክም ጸጋይ ላቱ ኢልትረከብ።

ካልሕ ሙሰ ዐሊ (ወድ ሐቢብ)



## ሚልክያስ ወዮናታን፣ ሻምፕዮን ኤረትሮፕ 2026 ገብአው

**\*\*ሚልክያስ ማእከሌ፣ ጀላል ጅግረ ዐጃላት. . .\*\***

ዎር ምነ ናይ ለሐልፊዮ ሐምሰ ሰነት፣ እት አቅሊም ምግብ ሰጻዮት ለገአት እቶም መትባድረት ዐጃላት ቲ። እብ ፍንቲት እት ሾላት እብ ለአርእዮ ለዐለ በቃዐት፣ መብዝሐው ወክድ እግል መትጃግረቲ እብ ርሒብ እንዴ ቀልበ ልትዐወት ዐለ። ወጠንያይ ፈሪቅ ብድረ ዐጃላት እንዴ ወከላሙ፣ እት ናይ አፍሪቀ ጅግራታት ልብ ለልአከራ ዐውቴታት ሹቡቅ ቲ።

እት ሰነት 2025 እት ናዲ ዐጃላት ባይክ-አይድ ናይ ጀርመን ክም ተሓበረ፣ ሐቀ ዎር ሐል ዲበ ናዲ ኢንዮንስ ናይ

አቅሊም ምግብ መትባድረት እዴ ለዓሊት አርአው ዲቡ። እሊ እት አቅሊም ምግብ ዲብ እመር ጅግራታት ለልትሰሐሎ ወሻርኩ መትባድረት ሆይ። እግል ጅግረ ዋለው ወትዐውተው ዲቡ።

እብ ተቆይም ዲብ ሳዐት 42.1 ኪሎምትር እት ከይዶ እብ 2ሳ፡54ደ፡ወ16ካልኢት እብ ሾላት ለአትመመው ጅግረ ሆይ። መትባድራይ ናዲ ደንደን -ዮናታን ቴድሮ፣ እግል ወድ ፈሪቁ እዮቤድ ኤፍሬም እንዴ በድረ አወላይ አተ ወናይ ሰነት ዮም ዓመት 2026 ሻምፕዮን

ሆይ። እግል ደርቦም ለዐለት ካልአይት መጅመ-ዐት፣ናይ 39 ካልኢት ፈርግ እብ ሓልፋመ ዐለው። ዐባዩ ወሰብ ተጃራብ መትባድረት ክም ከረ አማንኤል ገብራክዝጋብሄር፣ ናትናኤል ብርሃኔ ወመርሃዊ ቅዱስ ለዐለው ዲብ መትመ-ዐት ገዛፍ፣ ምን ቅባል ፈርግ ዲብ ተዐቅብ እብ ደፋዮ ተአተቃብሎም ዐለት።

እብ እት ለትፈናተ አውካድ ገብእ ለዐለ ህጃማት መጃማዕ ብዙሕ ቀይም ምንመ ዐለ። ክምሰለ ትልህዮ እግል ትትመም ሴዕ ዱረት በህለት ሰር ክም ተርፈዮ፣ ለትከወነት መጅመ-ዐት ላተ በታተን ኢትረኤት። እሊ እግል እት ዐባዩ ዲቪዥዮናት (እድንያይ ዱራት) ክም ከረ ናዲ አስታነ ወመ-ቪሲታር ለልትጃገሮ ሄናክ ምሉእ-ብርሃን ወናትናኤል ተሰፋጾን፣ ክምሰልሁመ ነፈር ናይለ ዐቢ ፈሪቅ ለመውል ናዲ ኢንዮስ (ካልአይ ፈሪቅ) ለህለ ሚልክያስ ማእከሌ፣ እት ዩሲአይ ደርስ ወልትደረብ ለህለ ኬሽን ተክሎማርያም ለሐየበት መጅመ-ዐት፣ እግል ቅያስ 60 ኪሎምትር ምሰል ሄረረት። ገሌ መትባድረትመ ምነ ደርቦም ልሂርረ ለዐለዮ መጃማዕ እግል ለዐርወ ምንመ ወጠነው፣ ኢደቅበው ዲቡ።



ዮናታን፣ እብ ሾላት ደል ተዐወተ

ብሪጣንዮ ለመውል ካልአይ ፈሪቅ ተዐደ። እት ለትፈናተ ጅግራታት ተጃርብ ነሰእ እንዴ ጸንሐ ሆይ። ሰንበት 28 ጃን “ሻምፕዮን ዐባዩ ወምንተሐት 23 ሰነት ዓማር ናይ ጸርግዮ ጅግረ ኤረትሮፕ ሰነት 2026” እንዴ አተበለ። እት ሰጅል ተእሪኩ ዕውቴ ዐባይ እንዴ ወቀረ፣ ‘ዴም ጀዘብ ጅግረ ዐጃላት ኤረትሮፕ ጋብእ ህለ’ ሚልክያስ ማእከሌ።

ዮም ከሚ እብ ናይ አዋልድ ጅግረ ለአንበተ ሻምፕዮን ኤረትሮፕ፣ ሰንበት ዐባይ እት ሸዋሬዕ አሰመረ ናይ ምግባይ ዕምር ወናይ ምንተሐት 23 ሰነት ዓማር ውላድ እብ ወደወ ናይ ጸርግዮ ጅግረ ተመ።


ገብእ። ዊልያም ዘርኢት ምን አሰቤት ሆይ መዳልዮት ነሓስ ረክበ።

ንፍታሌም ቅዱስ ምን ናዲ ደንደን፣ ሮምዮ ግብጻዊ ምን ፈሪቅ ግብለት፣ ወሴም አፍወርቂ ምን ናዲ አሰቤት፣ አሰክ ሳድስ ተርቲብ ለአሴረረው ቶም።

ዐባዩ ወምንተሐት 23 ሰነት ዓማር፣ 10 ዱረት በህለት 183.6 ኪሎምትር ሪም ትዳለ እሎም። እሊ እት መዳሊት ዱር ፈረንሳ ለህለ ቢንያም ግርማይ ለኢሻረክ ዲቡ ጅግረ፣ እት አወላይት ዱረት እብ ገብእ ህጃም፣ ምን ጽባብሐ ትመሀጸ።

እብ 14 ደቂቀት ወ30 ካልኢት ለአትመመው ሰልፋይት ዱረት፣ ናይ ደዓም ዕዉት እሊ ጅግረ መትባድራይ ናዲ ጆይሲኤል ናይ ጃፓን ለህለ ናሆም ዘርኢይ ወናይ 2023 ዕዉት አማን ዐወት ናይ ናዲ እስታንቡል ቡዩክሰሂር፣ ክምሰልሁመ ሮቤል ዳዊት ምን ናዲ ሰምበል፣ ናይ ብሕቶት መትባድራይ ሳሙኤል ተወልዴ ወሬሎምን ፍሰሃይ ለአወላይት መጅመ-ዐት አቁመው።

ምን ካልአይት ዱረት ሆይ፣ ኑርኢሕመድ ዐብደልወሃብ ወኤፍሬም ዘርኢጋብር ምን ናዲ ደንደን ትወሰከዎም። አሰክ ራብዓይት ዱረት ዝያድ 15 መትባድራይ እንዴ በጽሐው



እሊ ዮም ዓመትመ ስጋደት ፎርቶ ካልእ ዶል እት ሕሳብ ለአተ ጅግረ፣ ምግባይ ዕምር ናይ 122.4 ኪሎምትር መሳፈት እተ ትባደረው። ኩሉ እት አቅሊም ምግብ ለህለ ነዋዲ ዐጃላት፣ ምን አቅሊም ዐንሰበ ሰለሰ ፈሪቅ (ሻልኩ፣ ሬድሲ ወመዋሰላት)፣ ምን ቅብለት በሐር ቀዩሕ ወጋሸበርክ ዎርዎሮ ፈሪቅ፣ ክምሰልሁመ ናይ ብሕቶት መትጃግረት ሆይ ሻረከው።

እትለ ክም ናይ ዲማሆም እብ ሸፋገት ድቅብ ለአንበተወ ወእንዴ ኢብርዶ እብ መጃገረት ውጅህት ለአተላለው ብድረ ዐጃላት፣ ናይ

ከሆድ ምን ካልአይት ዱረት ሆይ፣ ኑርኢሕመድ ዐብደልወሃብ ወኤፍሬም ዘርኢጋብር ምን ናዲ ደንደን ትወሰከዎም። አሰክ ራብዓይት ዱረት ዝያድ 15 መትባድራይ እንዴ በጽሐው

ገሌ ቆሪ አምር ናይ እሊ ጅግረ ለሆም ጃሃት፣ ሄናክ ወናትናኤል፣ ምሰለ ሶምተ ተጅርበት ጅግረ ዲብ ዐባዩ እድንያይ ጅግራታት፣ ወአሰክ እሊ እት ደረጃቶም ለኢበጽሐው ሚልክያስ ወኬሽን ህጃም እንዴ ሀረሰው ክም ለአተፋፎም ጊማምም ለህይቦ ዐለው። እት ቀበትለ መጅመ-ዐት ለዐለ ሸዑር ልግበእ ውብዕድ አሸዮእ እግል ትቅርኡ ሳኪን ኢትቀደረ።

እሊ ምሰለ እት ልትጋምዐ ተልያህ ለዐለዮ መጃማዕ ፍንቲት ወቅተ ዲብ ተዐቅብ ትትሃብ ወዲብ ገሌ ዱራትመ ወቅተ ዲብ ተአርሕብ ትሄርር ለዐለት መዋልያይት መጅመ-ዐት፣ ለጅግረ ሰለሰ ዱረት በህለት 30 ኪሎምትር ክም ተርፈዮህ፣ በረ ምን ሰጻዮት ተዋልል አርኤት። “ዝያደት እት ሾላታቱ ሐለቲ፣ እብ ናይ ዎርቶም ህጃም ሀድፍ እግል ልግበእ ቲ” ለትበህለ ሚልክያስ፣ እብ ነሰአዮ ምሰዳር በታከት፣ አሰክ ቀደም እት ለአላይም ትረኤ። ኬሽን ሳኪን፣ ምነ መጅመ-ዐት ተርፈ ወእተ ደርቡ ለዐለት መጅመ-ዐት ተሓበረ።

ደርብ ሚልክያስ ተሉ ለዐለው ሄናክ ወናትናኤል ግድም፣ እት ፍንጊሆም ለዐለት መዓወነት

አተው። እት ናይ ምንተሐት 23 ሰነት ዓማር፣ ሚልክያስ፣ ሻምፕዮን ገኤ፣ እት ቀበት ዐድ ለልትጃገሮ ንፍታሌም ወናታን ሆይ፣ መነሰት ዐርገው።



# ምህሮ ወወቦች ህግደ

ዶ/ር ሳልክ መስመድ



አወላይ ክፋል

## ሲያሱት ወሄራር ምህሮ እት መደት እስትዕማር አቶብዩ፡



ሲያሱት ወሄራር ምህሮ እት መደት እስትዕማር አቶብዩ፡ እት ክልኦት ክፋል እንዴ ከፊልኑ፡ እግል ንቀድሙ ተ። እትሊ ናይ ዮም ለእት መደት ሕክም እምብራጦር ሀይለስላሴ ለዐለ ቴለል ተዐሊም ዲብ ኤራትርዮ እግል ንቀድም ተ።

አብዳኩ፡ ሸዐብ ኤራትርዮ ርሑ ከምሰል አቶብዩ ከም ለሐሰበ ለወዴ ጽብጥ ወአግቡይ አድራሶት እት ሸዐብ ኤራትርዮ አሰባታት ተ ለዐለት። እሊ እት ፍዕል እግል ለአውዕል ህግደ ተዐሊም ወሸቅል ሕክ-መት እምሐርኛ ወደዮ። እብ ትግርኛ ወዐረቢ ክቱብ ለዐለ አክትብት አንደደዮ። እት ረአሰ እሊ

ትክደደ እተ መደት፡ ኤራትርዮ ምን ክለ አቶብዩ፡ እብ ብዝሔ ደረሰ አወላይት ዐለት። ሐቆ 12 ሰነት ንዛም ሀይለስላሴ እብ ንዛም ደርግ ልትብደል እት ሀሌ ኤራትርዮ እብ ብዝሔ ደረሰ አዲስ አበባ ወሸወ እንዴ ሐልፊያህ ዲብ ሳልሳይት ደረጃት ትክሬት። ለዲብ መደት ፈደሬሽን እምቡት ለዐለ መትመዳድ ምህሮ እብለ ገበይ እለ ሐር አቅባለ። ሸዐብ ኤራትርዮ ውላዱ እግል ለአድርሰ ለዐለት እግሉ ንዮት ውቅል እምባል ሕላሌ አተላለዩ መዳርሰ እግል ልትፈተሕ እግሉ ምንመ ጣለበ እዝን ጽምት ትህየቡ። እት ሰነት 1963/64 ለምን ሸዐብ ትመጽኡ ለዐለት መቃወመት እግል ለአትግርድ ዲብ ኤራትርዮ 5 ናይ

ካልኣይት ደረጃት መዳርሰ እግል ልትፍተሐ ቀርረ። ህተን ህዬ መድረሰት ሳንጆርጆ ዲብ መንደራሬ፡ መድረሰት ካልኣይት ደረጃት ደቀምሐሬ፡ (ዲብ ደቀምሐሬ)፡ መድረሰት ካልኣይት ደረጃት ሃጺይ ዳዊት ዲብ ከረን፡ መድረሰት ካልኣይት ደረጃት ልኡል መኮንን ዲብ

ባጽዕ ወመድረሰት ካልኣይት ደረጃት ዐዲ-ቀይሕ፡ ( ዲብ ዐዲ-ቀይሕ) ተን። ሐቆ 10 ሰነት ህዬ፡ መድረሰት ካልኣይት ደረጃት አቁርደት እት ሰነት ድራሰት 1973/74 ተሌተን። ምሰል መትፈታሕ ናይ እለን መዳርሰ እለን፡ ዕልብ ደረሰ ካልኣይት ደረጃት ወሰኩ።

### ዐቦት ህግደ ከትብገሰት ህግደ ሐር ኢንብከሰ

ህግደ እብ ናይ ኖሰ አግቡይ ለትጠወር ወምን ዶል እት ዶል እት ትትብደል ለትገይስ ህዮብ ረቢተ። ውላድ አዳም ቀዋኒን ኢነአፈግር እግል ሕነ ለእንወደዮ እግል ቀዋኒን እንዴ ደረሰነ ወአመርነ ንትነፋዕ እቡ ወእንክትቡ። ምናተ፡ ህግደ ሐት ሐቱ ዶል ምን ናይ ኖሰ ቃትን እንዴ ፈግረት እብ ገበይ ብዕደት እት ትገይስ እንርእዮ። ወቅት ሐቆ ነሰኣት ወትለመደት። ቃትን ሐዲስ ትገብእ። እግል እሊ ቃትን ሐዲስ ለናይ በዲር ቃትን ህግደ ( ሰዋሱው) እንዴ ትነፍዐነ ሐር እግል ንብለሱ ምንመ እንጆርብ። ኢንትዐወት። ወምንመ ንትዐወት እግል ህግደ ሐር ለበልሰ ቱ ዲብ ኢኮን ቀደም ኢነድኡ። እሊ አግቡይ ሐዲስ እሊ ዲብ ከሊማት፡ ዲብ ክርን፡ አው ተርቲብ ከሊማት እግል ልግባእ ቀድር።

እምባል እሊመ እተ ቀደም እለ ለዐለ መትከዋን ከሊማት፡ ለትተንከበ መትከዋን ከሊማት ሐዲሱ፡ እት ሐቱ መደት እግል ልተአንበት ቀድር። እምባልሁመ መዐነት ጨባብ ለዐለት እግሉ ከሊማት መዐነት ፋይሐት እንዴ ጽብጠ እተ ህግደ እግል ልኡቱ ቀድር። ትለመደ ምን ገብእ እግል መዐነት ርሓብ ሰኒ እግል ልወክለ ቀድር። እግል መሰል ግዕዩ ለትብል ከሊመት፡ አሰለ ዲብ ትግራይት ዶል እንርኤ እኩብ ናይ አዳም ሐድ ተ። እት መደት ግድለ ሰላሕ ላኪን መዐነት 'መ-ጅተማዕ' እንዴ ወክለት ሸቄት፡ ሐቆ " እለ መዐነተ ጨባብ ሰበት ተ እግል መ-ጅተማዕ ለትብል ከሊመት ኢትወክል" እንዴ ትበሀለት ተርፈት። እት አካነ አሰክ እዜ መ-ጅተማዕ ለትብል ከሊመት ሰሌፍ ንትነፋዕ ህሌን። እሊ እግል ትግራይት ሐር በልሰዩ ዲኢኮን ኢነፍዐዮ። ከእብሊ ከሊመት ሐቱ ዶል ሐቆ ትለመደት ኢንበድል ምን።

እት ረአሰ እሊ እት መደት ሰውረት ምን በርካይ፡ መንሰዳይ፡ ርግባይ ወእሌ መሰል ከወኖት ሰፊት እንዴ ትብገሰነ፡ ኤራትርዮይ፡ ሰውራይ፡ ኢፋሉታይ፡ አሆታይ ወእሌ መሰል አግቡይ ከወኖት ሰፊት ንትነፋዕ ዐል። ሐሬ ላኪን እሊ ራትዕ ኢኮን እንዴ ትበሀለ ተርፈ። እሊመ እግል ህግደ ሐር በልሰዩ። እሊ መትካራፍ ህግደ እት ትግራይት ሌጠ ለትርኣ ኢኮን። ዲብ ሀገረ ብዝሓት ለዐለ ወለህላቴ። ለትለመደ ከሊማት፡ ለምንዐ ወሐር ለበልሰ ሀገረ ቀደም ኢንሰዩ። ለትለመደት ከም ክብትት ለነሰእዩ ሀገረ ህዬ ትቀደመዮ። ከእብሊ ለትለመደት ሐር ኢንብለሱ።



ፈደሬሽን እንዴ ኬደ ኤራትርዮ እት ሐንቴ ምልኩ ለአቴ እት ሀሌ፡ ቴለል ምህሮ ኤራትርዮ ምን ክለን ድወል ቀር-አፍሪቅዩ ለሐሰ ከምሰል ዐለ ብዝሓም ምኡምረት ሸርሐ። እሊ ሀይለስላሴ ለረድዩ ጋር ኢኮን። ከእብሊ ዲብ ኤራትርዮ ተዐሊም እብ መትመዳዱ ምን ገብእ ወእብ ደረጃቱ እንዴ ደሀርክ ምን ናይ አቶብዩ መናጥቅ ወትሐት እግል ልክረዮ ትብገሰ። ሰበቡ ህዬ፡ ምር ዕሉም ወአምር ሸዐብ እብ ሐቱ ምኑ ወትሐት ላተ ዱለት እግል ልትሐክም ከም ኢቀድር አምር ሰበት ዐላቱ።

ውላድ ኤራትርዮ ጃምዐት እግል ኢልእተው እንዴ ትበሀለ ህግደ አምሐርኛ እት ደረጃት ውቅል ለኢአምጽኦ ጃምዐት ከምሰል ኢለአቴ ለወዴ ቃትን አፍግረ። እሊ ውላድ ኤራትርዮ አምሐርኛ ሰበት ኢለአምሮ ምን ጃምዐት እግል ልክረም ለፈግረ ቃትን ቱ ዲብ ኢኮን። ህግደ ተዐሊም ዲብ ጃምዐት አቶብዩ ምን መደት ለሀ ወአሰክ እዜ ህግደ እንግሊዚ ተ። ወእብሊ ህዬ አምር ህግደ አምሐርኛ ዲብ ጃምዐት ለሰዴ ወለለዐንቅፍ ጋር ኢዐለ።

ሐቆ መቃወመት ሸዐብ ብዝሕት ሐዳት መዳርሰ ምንመ ፈትሐ፡ እብ ዓመት እት መደት ሀይለስላሴ ( ምን 1962 -1974) ዕልብ ደረሰ ወመዳርሰ እት ለሀገጌ ጌሰ። ፈደሬሽን እትለ

ካልኣይት ሲያሱት ምህሮ እት መደት እምብራጦር ሀይለስላሴ፡ ናይ ኤራትርዮ መንካት እንዴ

### በኪስ ተክተት

0	ገ	ብ		መ	ፍ	ሩ	ድ	
ር						ዝ	መ	ት
ቀ	ይ	ም		ፍ	ዛ			ከ
ይ			ግ	ር	ጉ	ር	ብ	ት
			ብ	ክ	ር		ሰ	ር
ግ				ሰ		ሸ		ከ
ራ	ከ					0	ባ	ት
ይ			ሐ		እ	ብ	ሊ	ከ
			ሰ	ገ	ን			ቤ
ብ	0	ት		ሰ	ን	ብ	ት	ር